



大清通禮卷之七

吉禮

朝日

東波甲丙戊庚壬年春分之朝。

皇帝親詣東郊朝

日。先二日。禮部尚書一人。至犧牲所。眡牲。如儀。

右眡牲

是日。太常寺卿率屬。進齋戒牌銅人。恭設於

皇乾清門。如儀。



皇帝乃齋於大內。王公百官齋於邸第。

右致齋

書祝版

眡祝版

北郊同。

儀均與

祀前一日黎明。太常寺官設香案於

東郊宰牲亭外。光祿寺少卿一人朝服。上香。御史禮部祠

祭司官眡宰。宰人瘞毛血。如儀。

右眡割牲

是日太常寺官潔壇上下。藉以櫬薦。設

神座於壇上。西向。工部司官張

皇帝拜次於西階上。如式。

右設神座張次

將祀之日。夜分。太常寺卿率屬入壇。具器陳。牛一。羊

一。豕一。登一。鉶二。簠簋各二。籩豆各十。琖三十。鑪一。

鐙二。中設一案。少北。東向。供祝版。南設一案。北向。陳

赤壁一。禮神制帛一。赤色香盤一。尊一。爵三。並設福胙。

加爵一。凡牲陳於俎。凡玉帛實於筐。凡尊實酒。承以

舟。疏布冪。勺具。鑿儀衛。設洗於具服殿外。樂部率太

大清通志 卷七 二
常協律郎設中和韶樂及樂舞於壇門內。南北分列。器數與

北郊同。

右陳設

陳設畢。太常寺博士引禮部侍郎一人升壇。眠玉帛。齋盛及籩豆登俎之實。如儀。

右省齋

辨行禮位。西階上幄次正中。爲

皇帝拜位。東向。陪祀王公位壇下。左右各二班。百官位壇

門外。左右各五班。重行異等。均東面。左班北上。右班南上。辨執事位。壇上。太常寺司拜牌。拜褥官各一人。立於

皇帝拜位左右。司祝一人。司香一人。司玉帛一人。司爵一人。光祿寺卿二人。侍衛二人。太常寺贊答福胙一人。侍儀禮部尚書。侍郎。都察院左都御史。副都御史。樂部典樂各一人。位南北序。分立祝案尊案之次。如常儀。太常寺典儀一人。司樂一人。負南立於階下之左。記注官四人。於壇門外之右。負北立。糾儀御史四人。

大清通禮 卷七 三
禮部祠祭司官四人。引禮鴻臚寺官四人。分立王公百官拜位之次。協律郎歌工。樂工舞佾。分立樂懸之次。傳贊二人。循墻門內牆西立。位均南北序。南北面。掌燎官率燎人。立於墻外西南隅。

右辨位

其日五鼓。步軍統領勒所部清蹕除道。自

東華門至

壇門。

御道左右塗巷。皆設布幃。鑾儀衛陳

法駕鹵簿。

詳見北郊祭儀

不陪祀王公百官。朝服咸會。祇候

送

駕如儀。日出前八刻。太常寺卿赴

乾清門奏時。

皇帝御禮服。乘禮輿。出宮。前引後扈。如常儀。

駕發。警蹕。

午門鳴鐘鼓。

駕出東華門。導迎樂前引不作。提鑪執鐙官。左右騎導。如

北郊祭儀

北郊之儀。

駕至壇北門外。降輿。右贊引。左對引。太常寺卿二人。恭導皇帝入北門中門。詣具服殿。更祭服。鴻臚寺官引陪祀王公於殿外侍衛後。引陪祀百官。南班於拜位南。北面。北班於路西。東面。序立祇候。

右鑾輿出宮

卯初刻。司祝恭奉祝版。設於祝案。禮部尚書一人。率

太常寺卿屬詣

神庫。上香。行禮。恭請

大明神位。奉安於

神座。如儀。太常寺卿至具服殿。奏請詣

壇行禮。

皇帝出次。盥洗。鑾儀衛官跪。奉盥奉巾。如儀。司拜褥官。豫布拜褥於壇上。拜次。贊引對引官。恭導

皇帝入壇左門。陞西階。就拜位前。東向立。司拜牌官跪安拜牌。退。前引內大臣。執鑪鐙官。侍衛。均於階下止立。後扈大臣隨侍。鴻臚寺官。引陪祀王公百官。均就拜位序立。典儀贊樂舞生登歌。執事官各共廼職。武舞

執干戚進。贊引奏就位。

皇帝就位立。

右盥洗就位

典儀贊迎

神司香奉香進至

神位前祇竢。司樂贊舉迎

神樂奏寅曦之章。辭曰。羲馭兮寅賓。光煜燿兮紅輪。春已

融兮交泰。循典禮兮明禋。嚴大采兮祇肅。神之來兮

如雲。協律郎舉麾。工鼓祝樂作。司拜牌官起拜牌。贊

引奏就上香位。及對引官恭導

皇帝詣香案前。對引官至祝案前止立。司香跪。贊引奏跪。

皇帝跪。奏上香。司香進香。

皇帝上炷香。次三上瓣香。興。奏復位。及對引官恭導

皇帝復位。司拜牌官安拜牌。贊引奏跪拜興。

皇帝行三跪九拜禮。傳贊贊跪叩興。王公百官均隨行禮。

凡衆官行禮。皆傳贊後同。協律郎偃麾。工戛敵。樂止。凡樂以舉麾。鼓祝作以偃

麾。戛敵。止。後同。

典右迎神

典儀贊奠玉帛。司樂贊舉奠玉帛樂。奏朝曦之章。辭曰。杲黃道兮。暎出東。肅將享兮。玉帛同。美齊翼兮。王君公。盥以薦兮。孚有顒。樂作。司玉帛奉篚。詣神位前。跪獻於案。三叩興。退。樂止。

右奠玉帛

典儀贊行初獻禮。司樂贊舉初獻樂。奏清曦之章。辭曰。御景風兮。下帝扃。酌黃日兮。椒其馨。爵方舉兮。歌且舞。漾和盎兮。龍旗青。樂作。司樂舉節。舞干戚之舞。凡舞以節領之。導引進退。後同。有司揭尊。冪勺挹酒。實爵。司爵奉爵。

詣

神位前。跪奠於墊中。退。司祝至祝案前。跪三叩。奉祝版。跪案左。樂暫止。贊引奏跪。

皇帝跪。羣臣皆跪。贊讀祝。司祝讀祝。辭曰。維某年月日。

嗣天子御名謹告於

大明之神曰。惟

神陽精之宗。列神之首。

神光下照。四極無遺。功垂今昔。率土仰賴。茲當仲春。式遵古典。謹以玉帛牲醴之儀。恭祀於

神。伏惟

鑒歆。賜福黎庶。尚

饗。讀畢。興。奉祝版。跪安。

神位前。筐內。三叩。興。退。樂作。贊引奏拜。興。

皇帝率羣臣行三拜禮。興。樂止。武功之舞退。文舞執羽籥
進。

右初獻

典儀贊行亞獻禮。司樂贊舉亞獻樂。奏咸曦之章。辭
曰。再舉勺兮鬱金香。嘉樂合兮舞洋洋。德恢大兮神

哉沛。澹容與兮進霞觴。樂作。舞羽籥之舞。司爵奉爵。

詣

神位前。跪。獻爵於左。儀如初獻。獻畢。樂止。

右亞獻

典儀贊行終獻禮。司樂贊舉終獻樂。奏純曦之章。辭
曰。式禮莫愆兮昭清。終以告虔兮休成。願神且畱兮

鑒茹。以妥以侑兮忱誠。樂作。舞同司爵奉爵。詣

神位前。跪。獻爵於右。如亞獻儀。獻畢。樂止。文德之舞退。

右三獻

既終獻。太常寺贊禮郎一人詣祝案前立。贊答福胙。
光祿寺卿二人就南案奉福胙。至

神位前拱舉退。祇立於

皇帝拜位之右。侍衛二人進立於左。贊引奏跪。

皇帝跪。左右官皆跪。奏飲福酒。右官進福酒。

皇帝受爵拱舉。授左官。次受胙。如飲福之儀。奏拜興。

皇帝三拜興。又奏跪拜興。

皇帝復行二跪六拜禮。王公百官均隨行禮。典儀贊徹饌。

司樂贊舉徹饌樂。奏延曦之章。辭曰。物之備兮希德。

馨神欲起兮景杳冥。徹不遲兮咸肅穆。照臨下土兮

瞻曜靈。樂作。司玉帛詣

神位前跪叩。奉赤璧以退。樂止。

右受福胙徹饌

典儀贊送

神。司樂贊舉送

神樂。奏歸曦之章。辭曰。雲車征兮風馬翔。焱萬里兮臨萬
方。報神功兮以時享。祈神祐兮永無疆。樂作。贊引奏

跪拜興

皇帝率羣臣行三跪九拜禮。興。樂暫止。典儀贊奉祝帛饌。送燎。司祝司帛詣

神位前。咸跪。三叩。司祝奉祝。司帛奉篚。興。司香跪奉香。司

爵跪奉饌。興。以次恭送燎所。

皇帝轉立拜位旁。北向。

司拜褥官徹拜褥。

俟祝帛過。

仍布拜褥。

皇帝復位立。樂作。陪祀王公百官退班。贊引奏禮成。恭導皇帝出壇左門。入具服殿更衣。樂止。

右送神燎祝帛

祀禮既成。禮部尚書率太常寺卿屬恭請

神位復

御儀與迎

神同贊引恭導

皇帝出具服殿。至壇北門外。乘禮輿。

法駕鹵簿前導。導迎樂作。奏祐平之章。辭曰。雖肅音送。瞰

出自東。兼燭垂曜。與天同用。秩典修。皇敬通。表瑞輝。

揚至公。

皇帝回鑾。王公從。各官以次退。不陪祀王公百官。仍朝服。

撤至祇候

駕至跪迎。

午門鳴鐘。樂止。王公隨

駕入。至內金水橋。恭候

皇帝還宮。退。太常寺官徹

乾清門齋戒牌。銅人送寺。

右回鑾

常歲遣官朝

日之禮。先二日。禮部尚書詣犧牲所。眠牲。承祭官暨陪祀
文武百官。均於邸第致齋。先一日。太常寺以祝版送

內閣恭書

皇帝遣某官某。餘辭同前。凡遣官同。受而奉諸

東郊神庫。御史禮部祠祭司官。光祿寺少卿朝服。眠割牲。

瘞毛血。有司供具。並如儀。及祀之日。雞初鳴。遣官朝

服。祇竢於壇外。禮部侍郎省齋。太常寺卿率屬。恭請

神位。設於座。訖。卯初刻。遣官由壇北左門入。壇右門。行禮

於階下。上香時。贊升壇。升降均由右階。不飲福。受胙。

王公不陪祀。贊引以太常寺贊禮郎。祝帛送燎。遣官

避立北旁。餘均如前儀。

右遣官儀

夕月

丑辰未戌年秋分之夕。

皇帝親詣西郊夕

月。先二日。禮部尚書一人。至犧牲所。眡牲。如儀。

右眡牲

致齋

書祝版

眡祝版

儀均與東郊同。

祀日未明。割牲於

西郊。宰牲亭內。光祿寺少卿及御史。禮部祠祭司官。朝服

眡宰。宰人瘞毛血。儀與

東郊禮同。

右眡割牲

侵晨。太常寺官。潔壇上下。藉以稷薦。張

神幄。設

夜明神座。專案。東向。設

配位。北斗七星。次六

木火土金水五星次

二十八宿次

周天星辰神座同案南向工部司官張

皇帝拜次於卯階上如式晡後太常寺卿率屬入壇具器

陳

夜明位前牛一羊一豕一登一。銅簠簋各二。籩豆各十。琖

三十。鑪一。鐙二。

星辰位同中設一案少南西向供祝版北設一案南向

陳

夜明前白壁一。禮神制帛一。色白。香盤一。尊一。爵三。並設福

胙加爵一。

星辰位前禮神制帛十有一。色青赤黑黃。香盤一。尊一。

爵三。凡牲陳於俎。凡玉帛實於筐。凡尊實酒承以舟。

疏布冪勺具。鑿儀衛設洗於具服殿外。樂部率太常

協律郎陳設樂懸舞佾與

東郊同。

右設神座供張陳設

省齋儀同

辨行禮位。卯階上。幄次正中。爲

皇帝拜位。西向。分獻官一人。位壇下之左。當階。陪祀王公。位壇下左右。百官位。壇門外左右。均西面。左班南上。右班北上。辨執事位。壇上。太常寺司拜牌。拜褥官各一人。立於

皇帝拜位左右。司祝一人。司香二人。司玉帛一人。司帛一人。司爵二人。光祿寺卿二人。侍衛二人。太常寺贊答。福胙一人。侍儀禮部尚書。侍郎。都察院左都御史。副都御史。樂部典樂各一人。位南北序。分立祝案。尊案。

之次。如常儀。太常寺典儀一人。司樂一人。負北。立於階下之右。贊禮郎二人。立分獻官位左右。記注官四人。於壇門外之左。負南立。糾儀御史四人。禮部祠祭司官四人。引禮鴻臚寺官四人。分立王公百官拜位之次。協律郎。歌工。樂工。舞佾。分立樂懸之次。傳贊二人。循壇門內牆東立。位均南北序。南北面。並與東郊禮同。掌燎官率燎人立於壇外東北隅。

右辨位

辨申刻。太常寺卿赴

大清通志
卷七
四
乾清門奏時。

皇帝御禮服。乘輿出宮。前引。後扈。如常儀。鹵簿前導。出

西華門。詣

西郊。與

東郊禮同。

駕至壇北門外。降輿。右贊引。左對引。太常寺卿二人。恭導
皇帝入北門中門。詣具服殿。更祭服。太常寺贊禮郎引分
獻官。於壇右門外北面立。鴻臚寺官引陪祀王公。於
殿外侍衛後。引陪祀百官。南班。於拜位南。北班。

於路東。西面。序立。祇候。

右鑾輿出宮

酉初刻。司祝恭奉祝版。設於祝案。禮部尚書一人。率

太常寺卿屬。詣

神庫。上香。行禮。恭請

神位入壇。以次安奉座上。如儀。太常寺卿至。具服殿。奏請
詣

壇行禮。

皇帝出次。盥洗。鑾儀衛官跪。奉盥奉巾。如儀。司拜褥官。豫

布拜褥於壇上拜次贊引對引官恭導

皇帝入壇左門陞卯階就拜位前西向立司拜牌官跪安拜牌退前引內大臣提鑪官侍衛均於階下止立後扈大臣隨侍贊禮郎引分獻官鴻臚寺官引陪祀王公百官均就拜位序立典儀贊樂舞生登歌執事官各共廼職武舞執干戚進贊引奏就位

皇帝就位立

右盥洗就位

典儀贊迎

神司香奉香進至

神位前祇竢司樂贊舉迎

神樂奏迎光之章辭曰繼日代明兮象麗天式遵九道兮臨八埏玉律分秋兮西顛躔聿修茲祀兮樂在縣協律郎舉麾工鼓祝樂作司拜牌官起拜牌贊引奏就上香位及對引官恭導

皇帝詣香案前對引官至祝案前止立司香跪贊引奏跪皇帝跪奏上香司香進香

皇帝上炷香次三上瓣香興奏復位及對引官恭導

皇帝復位。司拜牌官安拜牌。贊禮郎引分獻官由北階升詣

星辰位前。上香畢。降階復位。贊引奏跪拜興。

皇帝行二跪六拜禮。傳贊官贊跪叩興。王公百官均隨行

禮。凡衆官行禮。皆傳贊。後同。協律郎偃麾。工憂敵樂止。凡樂以舉麾。鼓祝作

以偃麾。憂敵止。後同。

右迎神

典儀贊奠玉帛。行初獻禮。司樂贊舉初獻樂。奏升光之章。辭曰。少采兮將事。玉帛兮載陳。式舉黃流兮挹

犧尊。籩豆靜嘉兮肴核芬。樂作。司樂舉節。舞干戚之

舞。凡舞以節領之。導引進退。後同。有司揭尊。冪勺挹酒。實爵。司玉帛

奉玉帛詣

夜明位前。司帛奉篚詣

星辰位前。跪獻於案。皆三叩興。司爵奉爵。分詣各案前。

跪奠於墊中。皆退。司祝至祝案前。跪三叩。奉祝版跪

案左。樂暫止。贊引奏跪。

皇帝跪。羣臣皆跪。贊讀祝。司祝讀祝。辭曰。維某年月日。

嗣天子御名謹告於

夜明之神曰惟

神配陽之德。鍾陰之精。周環九野。普照萬方。繼明於夕。天下共賴。茲當仲秋。式遵古典。謹以玉帛牲醴庶品之儀致祭。惟

神歆鑒。福我兆民。尚

饗。讀畢。興。奉祝版。跪安。

夜明位前。篚內三叩退。樂作。贊引奏拜。興。

皇帝率羣臣行三拜禮。興。樂止。武功之舞退。文舞執羽籥進。

右奠玉帛初獻

典儀贊行亞獻禮。司樂贊舉亞獻樂。奏瑤光之章。辭曰。齊醜兮載獻。神之來兮肅然。仰肸鬻兮鑒顧。挹清光兮几筵。樂作。舞羽籥之舞。司爵奉爵。分詣各案前。跪獻於左。如初儀。樂止。

右亞獻

典儀贊行終獻禮。司樂贊舉終獻樂。奏瑞光之章。辭曰。戛瑟鳴琴兮。銷玉鏘。神嘉虞兮。申三觴。金波穆穆兮。珠煥黃。休嘉砰隱兮。溢四方。樂作。舞同司爵奉爵。

分詣各案前。跪獻於右。如亞獻儀。樂止。文德之舞退。

右三獻

既終獻。太常寺贊禮郎一人。詣祝案前北面立。贊答福胙。

皇帝飲福受胙。如

東郊儀。贊引奏拜興。

皇帝三拜興。又奏跪拜興。

皇帝復行二跪六拜禮。王公百官均隨行禮。典儀贊徹饌。司樂贊舉徹饌樂。奏涵光之章。辭曰。對越在天兮禮

成。徹登豆兮湛露零。神悅懌兮德馨。世曼壽兮安以

寧。樂作。司玉帛詣

神位前。跪叩。奉白璧以退。樂止。

右受福胙徹饌

典儀贊送

神。司樂贊舉送

神樂。奏保光之章。辭曰。駕卿雲兮景星。御和風兮霞駢。神畱俞兮壇宇。福率土之黃丁。樂作。贊引奏跪拜興。

皇帝率羣臣行二跪六拜禮。興。樂暫止。典儀贊奉祝帛饌。

送燎。司祝司帛詣

神位前。咸跪。三叩。司祝奉祝。司帛奉篚。興。司香跪奉香。司

爵跪奉饌。興。以次恭送燎所。

皇帝轉立拜位旁。南向。

司拜褥官
徹拜褥

俟祝帛過。

仍布
拜褥

皇帝復位立。樂作。陪祀王公百官退班。贊引奏禮成。恭導
皇帝出壘左門。入具服殿。更衣。樂止。

右送神燎祝帛

祀禮既成。禮部尚書率太常寺卿屬恭請

神位復御。儀與迎

神同。贊引恭導

皇帝出具服殿。至壇北門外。乘禮輿。

法駕鹵簿前導。導迎樂作。奏祐平之章。辭曰。殷仲嘗酌。華

黍若油。興穀繁祉。受符天後。湧桂華。凝彩旂。玉燭調。

千萬秋。

皇帝回鑾。王公從。各官以次退。不陪祀王公百官。仍朝服

祇候

駕至跪迎。

午門鳴鐘。樂止。王公隨

駕入。至內金水橋。恭候。

皇帝還宮。退。太常寺官徹。

乾清門齋戒牌銅人送寺。

右回鑾

常歲遣官夕

月之禮。先二日。眠牲。承祭官。分獻官。及陪祀官。均於邸第致齋。先一日。書祝版。眠割牲。有司供具。如儀。祀日未刻。承祭官。分獻官。朝服。豫蒞壇外。禮部侍郎省盥。太常寺卿屬恭設。

神位。訖。酉初刻。遣官由壇北左門入。壝右門。分獻官隨入。承祭官行禮於壇下。上香時。贊升壇。升降由南階。分獻官位在其左。升降由北階。不飲福受胙。王公不陪祀。贊引以太常寺贊禮郎。祝帛送燎。遣官避立南旁。餘均如前儀。

右遣官儀

大清通禮卷之八

吉禮

先農

歲仲春吉亥。

皇帝親饗

先農之禮。先二日。禮部尚書一人。至犧牲所。眡牲。如儀。

右眡牲

致齋

儀同
東西郊祀。

先一日。遣官一人詣齋。

奉先殿。以耕藉告。行禮如常儀。

右祭告

書祝版

眡割牲

眡祝版

儀同
東西郊祀。

是日清晨。太常寺卿率屬潔壇上下。藉以稷薦。為瘞

坎於壇東南隅。設

先農神座於壇正中。南向。施黃幄。工部司官張

皇帝拜次於南階上。如式。

右設神座供張

將事之夕。夜分。太常寺卿率屬入壇。具器陳。牛一。羊

一。豕一。登一。鉶二。簠簋各二。籩豆各十。琖三十。鑪一。

鐙二。壇南中設一案。少西北向。供祝版。東設一案。西

向。陳禮神制帛一。色青。香盤一。尊一。爵三。設福胙於尊

爵之旁。加爵一。牲陳於俎。帛實於筐。尊實酒。承以舟。

疏布冪。勺具。鑾儀衛冠軍使。設洗於壇東。樂部率太

常協律郎。設中和韶樂及樂舞於壇下。東西分列。器

東西數與同。

東西郊祀同。

右陳設

省齋

儀同東西郊祀

辨行禮位。壇上幄次。為

皇帝拜位。正中。北向。壇下東南。為望瘞位。東向。陪祀王公。

位樂懸北。東西各二班。百官位樂懸南。東西各五班。

重行異等。東位西上。西位東上。均北面。辨執事位。壇

上。太常寺司拜牌。拜褥官各一人。立具器刺十一人。

皇帝拜位左右。司祝一人。司香一人。司帛一人。司爵一人。

光祿寺卿二人。侍衛二人。太常寺贊答福胙一人。侍

儀禮部尚書侍郎。都察院左都御史。副都御史。樂部

典樂各一人。位東西序。分立祝案。尊案之次。如常儀。

壇下。太常寺典儀一人。司樂一人。東立西面。記注官

四人。西立東面。糾儀御史四人。禮部祠祭司官四人。

引禮鴻臚寺官四人。分立王公百官拜位之次。協律

郎。歌工。樂工。舞佾。分立樂懸之次。均東西面。掌瘞官

率瘞人。立於瘞坎之南。北面。

右辨位

其日五鼓。步軍統領率所部清蹕除道。自

大清門至

壇門。

御道左右塗巷。皆設布幃。鑾儀衛陳

法駕鹵簿。

詳見於北郊祭儀。

午門外。不陪祀王公百官。咸朝服會

闕下。祇候送

駕。如常儀。辰初二刻。太常寺卿赴

乾清門奏時。

皇帝御祭服。乘禮輿。出宮前引。後扈。如儀

駕發。警蹕。

午門鳴鐘鼓。導迎樂陳而不作。提鑪官左右騎導。由

正陽門詣壇。如

郊祀之儀。

右鑾輿出宮

駕將至。司祝奉祝版。設於祝案。禮部尚書一人。率太常寺

卿屬詣

神庫。上香。行禮。恭請

先農神位。奉安壇座上。如儀。鴻臚寺官。豫引陪祀王公。於壇門內。按翼序立。候。

駕至。隨行。引陪祀百官。東班於拜位南。北面。西班於拜位西。東面。序立。祇候。

駕至壇東門內。降輿。右贊引。左對引。太常寺卿二人。恭導皇帝至壇東。盥。鑾儀衛官跪。奉盥奉巾。如儀。司拜褥官。豫布拜褥於壇上。拜次。贊引對引官。恭導。

皇帝由中階陞。就拜位前。北向立。司拜牌官。跪安拜牌。退。前引內大臣。提鑪官。侍衛。均於階下止立。後扈大臣。

隨侍。鴻臚寺官。引陪祀王公百官。均就拜位序立。典儀贊樂舞生。登歌。執事官各共廼職。武舞執干戚。進贊引奏就位。

皇帝就位立。

右盥洗就位。

典儀贊瘞毛血迎。

神。司香奉香。進至。

神位前。祇候。司樂贊舉迎。

神樂。奏永豐之章。辭曰。先農播穀。克配彼天。立我烝民。於。

萬斯年。農祥晨正。協風滿壇。曰予小子。宜稼于田。協律郎舉麾。工鼓祝。樂作。司拜牌官起拜牌。贊引奏就上香位。暨對引官恭導。

皇帝詣香案前立。對引官至祝案前止立。贊引奏上香。司香跪進香。

皇帝上炷香。次三上瓣香。畢。奏復位。暨對引官恭導。

皇帝復位立。司拜牌官安拜牌。贊引奏跪拜興。

皇帝率羣臣行三跪九拜禮。協律郎偃麾。工戛敵。樂止。凡樂。

以舉麾。鼓祝作。以偃麾。戛敵止。後同。

右迎神

典儀贊奠帛。爵行初獻禮。司帛奉篚。有司揭尊。冪勺

挹酒。實爵。以次至案前恭奠。司樂贊舉初獻樂。奏時

豐之章。辭曰。厥初生民。萬彙莫辨。神錫之休。嘉種乃

誕。斯德曷酬。何名可贊。我酒惟旨。是用初獻。樂作。司

樂舉節。舞干戚之舞。凡舞以節領之。導引進退。後同。司帛跪獻篚。奠

於案。三叩。司爵跪獻爵。奠於墊中。興。各退。司祝至祝

案前。跪。三叩。興。奉祝版跪案左。樂暫止。贊引奏跪。

皇帝跪。羣臣皆跪。贊讀祝。司祝讀祝。辭曰。維某年月日。

皇帝致祭於晉。贊讀版跪安。贊引奏拜興。
神位前。三叩興。退。樂作。贊引奏拜興。
皇帝率羣臣行三拜禮。樂止。武功之舞退。文舞執羽籥進。

右初獻

典儀贊行亞獻禮。司樂贊舉亞獻樂。奏咸豐之章。辭

曰。無物稱德。惟誠有孚。載升玉瓚。神肯畱虞。惟茲兆庶。豈異古初。神曾子之。今其食諸。樂作。舞羽籥之舞。司爵獻爵於左。儀如初獻。樂止。

右亞獻

典儀贊行終獻禮。司樂贊舉終獻樂。奏大豐之章。辭曰。秬稷糜芑。皆神所貽。以之饗神。式食庶幾。神其丕佑。佑我黔黎。萬方大有。肇此三推。樂作。舞同。司爵獻爵於右。如亞獻儀。樂止。文德之舞退。

右三獻

既終獻。太常寺贊禮郎一人。少前。西面立。贊答福胙。
光祿寺卿二人。奉福胙至。

神位前拱舉退。祇立於

皇帝拜位之右。侍衛二人。進立於左。贊引奏跪。

皇帝跪。左右官皆跪。奏飲福酒。右官進福酒。

皇帝受爵。拱舉授左官。次受胙。如飲福之儀。贊引奏拜興。
皇帝三拜興。又奏跪拜興。

皇帝行二跪六拜禮。王公百官均隨行禮。典儀贊徹饌。司
樂贊舉徹饌樂。奏屢豐之章。辭曰。青祇司職。土膏脉

起。日涓吉亥。舉耕藉禮。神安畱俞。不我遐棄。執事告
徹。予將舉趾。樂作。徹畢。樂止。

右受福胙徹饌

典儀贊送

神。司樂贊舉送

神樂。奏報豐之章。辭曰。匪且有且。匪今斯今。靈雨崇朝。田
家萬金。考鐘伐鼓。曼瑟鳴琴。神歸何所。大地秧鉞。樂
作。贊引奏跪拜興。

皇帝率羣臣行三跪九拜禮。樂止。

右送神

典儀贊奉祝帛。饌送瘞。司祝司帛詣

神位前。咸跪。三叩。司祝奉祝。司帛奉篚。興。司香跪奉香。司爵跪奉饌。興。以次恭送瘞所。

皇帝轉立拜位東旁。西向。

司拜褥官
徹拜褥

俟祝帛過。

仍布
拜褥

皇帝復位立。典儀贊望瘞。司樂贊舉望瘞樂。奏慶豐之章。辭曰。肅肅靈壇。昭昭上天。神下神歸。其風肅然。玉版蒼幣。瘞埋告虔。神之聽之。錫大有年。樂作。陪祀王公百官退。贊引奏詣望瘞位。

皇帝詣望瘞位。望瘞。贊引奏禮成。恭導

皇帝詣

太歲殿。上香。樂止。禮部尚書率太常寺卿屬恭請

神位復

御。上香。行禮。如儀。

皇帝入具服殿。更衣。乃行

親耕禮。

儀詳
嘉禮

畢。還宮。太常寺官徹

乾清門齋戒牌銅人送寺。

右望瘞禮成

遣官饗

先農之禮。先一日。太常寺以祝版送內閣恭書。受而奉諸神庫。至日。雞初鳴。遣官朝服詣壇。贊引太常寺贊禮郎二人。引由壇右門入。行禮於階下。上香。贊升壇。升降均由東階。不飲福受胙。王公不陪祀。祝帛送瘞。避立西旁。饗畢。順天府府尹率屬行耕藉禮。詳嘉禮。餘均如前儀。

右遣官儀

直省府州縣各建

先農壇。歲以仲春亥日致祭。省會以總督若巡撫一人主之。若有故。則布政使以次攝。陪祀文武官及各執事人。均如祭

社稷之禮。先二日。主祭陪祭執事各官致齋公所。埽除壇境內外。祭日。雞初鳴。執事人入。設

先農神案於壇正中。南向。陳鉶一。簋二。籩二。簋豆各四。案前設俎。陳羊一。豕一。又前設香案一。陳祝文香盤。鑪。左設一案。東向。陳帛一。尊一。爵三。陳福酒胙肉於尊爵之次。設洗於階下之東。質明。引班引陪祭官入。

引贊引主祭官入。通贊贊執事者各司其事。贊就位。引主祭官至階下。盥手。就拜位立。陪祭官按班就東西拜位立。均北面迎。

神。上香。讀祝。行三獻禮。祝辭曰。維某年月日。某官某。致祭於

先農之神曰。惟

神肇興稼穡。立我烝民。頌思文之德。克配彼天。念率育之功。常陳時夏。茲當東作。咸服先疇。洪惟

九五之尊。歲舉

三推之典。恭膺守土。敢忘勞民。謹奉羹章。聿修祀事。惟願五風十雨。嘉祥恒沐。

神庥庶幾。九穗雙岐。上瑞頻書。大有尚

饗。餘儀與祭

社稷同祭。畢率屬行耕藉禮。

府州縣歲祭

先農。主祭官陪祭官暨各執事並同

社稷。祭期牲帛器數。行禮儀節。與省會同。

右直省府州縣先農壇

先蠶

歲季春吉已。

皇后親饗

先蠶之禮。先二日。禮部尚書一人。至犧牲所。眡牲。儀與饗先農同。

右眡牲

是日昧爽。太常寺進齋戒牌銅人。內監豫設黃案一於

交泰殿之左。內務府總管一人。及宮殿監侍。豫蒞於

乾清門。太常寺卿率所屬恭奉齋戒牌在前。銅人在後。前引如儀。至

乾清門。內務府總管以授宮殿監侍。恭設於

交泰殿案上。齋戒牌南向。銅人西向。設畢。跪三叩。興退。

皇后乃齋。陪祀

妃

嬪。公主。福晉以下。文官三品。武官二品。命婦以上。咸致齋。

右致齋

大正通志 卷八
三
眡割牲

先農同。

儀與饗

先一日奉宸苑卿率屬潔壇上下。藉以櫬薦。爲瘞坎於壇西北。施黃幄於壇上。太常寺官恭設

先蠶神座於幄內。正中南向。工部司官張

皇后拜幄於南階上。如式。太常寺典簿具牲俎。博士辨簋

簋籩豆登。鉶之實。以次展於

神厨。太常寺卿詣

神庫以恭請

神位之儀。指授蠶宮令退。贊禮郎引內務府總管一人詣

神厨。周眡牲牢籩豆。太常寺官以陳設之儀。指授宮殿監侍訖。皆退。

右設神座幄供張展牲器

至日。雞初鳴。內務府總管及宮殿監侍率內監入壇。具器陳。牛一。羊一。豕一。登一。鉶二。簋籩各二。籩豆各十。瓊三十。鑪一。鐙二。東設一案。西向。陳禮神制帛一。色香盤一。尊一。爵三。設福胙於尊爵之旁。加爵一。牲陳於俎。帛實於筐。尊實酒。承以舟。疏布幕。勺具。內監設洗於具服殿。樂部率掌儀司內監陳樂於壇下。應

鼓一在東。琴四。瑟二。簫六。篳六。笙六。杖鼓二。方響十。六。雲璈二。板二。東西分列。如式。

右陳設

辨行禮位。壇上正中為

皇后拜位。北向。壇下西北為望瘞位。西向。當階左右為陪

祀

妃

嬪。公主。福晉拜位。北面。稍南左右為陪祀命婦拜位。按翼分列。重行異等。東位西上。西位東上。均北面。辨執

事位。司拜褥女官二人。立於壇上

皇后拜位左右。相儀女官二人。立拜位後左右。均東西面。

司香女官一人。司帛女官一人。司爵女官一人。奉福

胙女官二人。序立東案之東。西面接福胙女官二人。

立於壇西。東面。壇下典儀司樂女官各一人。當階左

立。西面。傳贊女官六人。二人立於壇南。東西面。二人

立於

妃

嬪。公主。福晉拜位左右。二人立於命婦拜位左右。均東

西面樂工歌工。以童內監爲之。序立於東西樂懸之次。女官掌瘞者。立於瘞坎之西北隅。

右辨位

未明前三刻。步軍統領飭所部清蹕除道。自

神武門至

壇門。

御道左右塗巷。皆設布幃。陪祀公主福晉命婦及執事女

官。朝服。豫集壇內。鑾儀衛率內監陳

儀駕鹵簿於

順貞門外。大儀輿一乘。民尉三十有四人。儀輿二乘。旗

尉十有二人。黃輿二乘。民尉三十有四人。次五色龍

鳳旗十。旗尉二十人。卧瓜四。立瓜四。旗尉十有二人。

吾仗四。旗尉六人。次黃赤二色龍鳳扇八。雉尾扇八。

旗尉三十有二人。次赤素方纒四。五色四季花纒十。

旗尉二十有八人。五色九鳳纒十。旗尉二十人。次金

節二。旗尉四人。次拂二。立夏陳列。處暑收。香鑪二。金合二。盥

盤一。盂一。餅二。金倚一。方几一。旗尉二十有二人。次

黃色九龍曲蓋一。旗尉三人。鳳輿一乘。旗尉八人。凡

擎執。旗尉。民尉。各服其服。皆內監充。辰正初刻。太常寺卿暨內務府總管各一人赴

乾清門奏時。宮殿監督領侍轉奏。

皇后御禮服。乘鳳輿。出宮。如儀。陪祀

妃

嬪咸乘輿從。由

順貞門。

神武門。北上門。入陟山門。至內壇左門。相儀女官二人。跪。奏請降輿。

皇后降輿。

妃

嬪咸降輿從。前引女官十人。右贊引。左對引。女官二人。

恭導

皇后入具服殿。少俟。

妃

嬪隨入配殿。祇俟。傳贊女官引公主。福晉。命婦等。於具服殿門外。東西序立祇候。

右車駕詣壇

辰正一刻。蠶宮令詣

神庫。上香。跪。三叩。興。恭請

先蠶神位。內監十人前引入壇。奉安座上。畢。相儀奏請行禮。

皇后出具服殿。盥。司盥跪奉盥。司巾跪奉悅巾。盥畢。詣壇。

妃。

嬪以下隨行。司拜褥女官豫布拜褥於壇上。拜次。贊引對引女官恭導。

皇后陞中階。就拜位前。北向立。前引十人。止立壇下。相儀

二人隨侍。傳贊引

妃。

嬪。公主。福晉。及命婦。均就拜位序立。典儀贊執事者各共迺職。贊引奏就位。

皇后就位立。

右盥洗就位

典儀贊迎

神。司香奉香。進至香案前。祇奠。司樂贊舉迎。恭請神樂。奏麻平之章。辭曰。軒轅御籙時。西陵位正妃。柔桑沃。

載陽遲。黼黻元黃供祀事。稱繭更繰絲。龍精報貺。椒
屋宗師。樂作。贊引奏就上香位。暨對引恭導。

皇后詣香案前立。對引至案前止立。司香跪。贊引奏跪。
皇后跪。奏上香。司香進香。

皇后上炷香。三上瓣香。興。贊引奏復位。暨對引恭導。

皇后復位立。奏跪拜興。

皇后行六肅三跪三拜禮。傳贊贊跪叩興。

妃。

嬪以下隨行禮。樂止。

右迎神

典儀贊奠帛爵。行初獻禮。司帛奉篚。司爵奉爵。進至
案前祇俟。司樂贊舉初獻樂。奏承平之章。辭曰。春隄
柳綻金。倉庚有好音。衣禕翟。致精忱。后月躬應教。織
紉。柘館式齋心。黃流初薦。肸蠁如臨。樂作。司帛跪獻
篚。奠於案。一叩興。司爵跪獻爵。奠於墊中。興。皆退。樂
止。

右初獻

典儀贊行亞獻禮。司樂贊舉亞獻樂。奏均平之章。辭

曰。清和日正長。靈壇水一方。紆香陌。執籥筐。桑葉陰
穠風澹蕩。八育普嘉祥。玉鬯再陳降。福穰穰。樂作。司
爵獻爵於左。儀如初獻。樂止。

右亞獻

典儀贊行終獻禮。司樂贊舉終獻樂。奏齊平之章。辭
曰。神臯接上園。葭蘆翠浪翻。鶯聲滑。藕花繁。天棘絲
絲初引蔓。三薦潔蘋蘩。雲依寶鼎露。泥旌旛。樂作。司
爵獻爵於右。儀如亞獻。樂止。

右三獻

典儀贊答福胙。奉福胙二人。恭奉福胙詣
神位前。拱舉退。祇立於

皇后拜位之右。接福胙二人。進立於左。贊引奏跪。
皇后跪。左右女官皆跪。奏飲福酒。右女官進福酒。
皇后受爵。拱舉。授左女官。次受胙。如飲福之儀。贊引奏拜。

興。

皇后一拜。興。又奏跪拜。興。
皇后行四肅。二跪。二拜禮。

妃以下皆肅。一跪。一拜禮。興。又奏跪拜。興。又奏跪拜。興。又奏跪拜。興。

嬪以下均隨行禮。興。典儀贊徹饌。司樂贊舉徹饌樂。奏柔平之章。辭曰。公宮吉禮成。有齋奉豆登。僮僮被肅。肅升。廢徹毋遲。咸祇敬。法坎不常盈。萬方衣被。百福其朋。樂作。徹畢。樂止。

右受福胙徹饌

典儀贊送

神司樂贊舉送

神樂奏洽平之章。辭曰。神風拂廣筵。靈香下肅然。儀不忒。禮無愆。禺馬流星相炳綯。玉竦亘平川。彤管司職。瑞

繭登編樂作。贊引奏跪拜興。

皇后率

妃

嬪以下行六肅三跪三拜禮。興。樂止。

右送神

典儀贊奉帛香饌送瘞。司帛詣

神位前跪一叩。司帛奉篚。興。司香跪奉香。司爵跪奉饌。興。

以次恭送瘞所。

皇后轉立拜位旁。西向。司拜褥起拜褥。俟香帛過。仍布拜褥。

皇后復位立。典儀贊望座。陪祀。卷八
如。

嬪公主。福晉命婦退。贊引奏詣望座位。樂作。恭導。
皇后詣望座位望座。奏禮成。恭導。
皇后詣具服殿更衣。

如。

嬪隨入配殿更衣。樂止。蠶宮令恭請

神位復

御。上香。行禮。如儀。

皇后還宮。宮殿監侍徹

交泰殿齋戒牌銅人。授太常寺官送寺。越日。

皇后乃率從桑之

如。

嬪公主。福晉命婦行

躬桑禮。儀詳嘉禮。

右望座禮成

遣

次妃致祭。於二日。又割脈之。公主詣晉命婦。以進。齋。池。同。

先蠶之禮。先二日。及陪祀之公主。福晉。命婦。均致齋。所司供具。如式。至日。昧爽。

妃朝服。乘輿。詣壇。清道辟除。如常儀。至內壝右門。降輿。入。行禮於階下。上香。贊升壇。升降均由東階。

妃

嬪。不陪祀。不飲福。受胙。香帛送瘞。避立西旁。餘如前儀。

右遣妃儀

皇帝遣官致祭

先蠶之禮。所司供具。如前儀。至日。雞初鳴。遣官朝服詣壇。

贊引太常寺贊禮郎二人。引由壇左側門入。行禮儀

節。與饗

先農同。

右遣官儀

大清通禮卷之九

吉禮

歷代帝王

廟饗

歷代帝王之禮。

正殿七室。中室。

太昊伏羲氏。

炎帝神農氏。

黃帝軒轅氏。左室。

少昊金天氏。

顓頊高陽氏。

帝嚳高辛氏。

帝堯陶唐氏。

帝舜有虞氏。右室。

夏王禹。啟。仲康。少康。杼。槐。芒。泄。不降。扃。廛。孔甲。皐。發。

商王湯。太甲。沃丁。太庚。小甲。雍己。太戊。仲丁。外壬。河亶甲。

祖乙。祖辛。沃甲。祖丁。南庚。陽甲。盤庚。小辛。小乙。武丁。祖

庚。祖甲。廩辛。庚丁。太丁。帝乙。次左。

周武王。成王。康王。昭王。穆王。共王。懿王。孝王。夷王。宣王。平

王。桓王。莊王。僖王。惠王。襄王。頃王。匡王。定王。簡王。靈王。

景王。悼王。敬王。元王。貞定王。考王。威烈王。安王。烈王。顯

王。慎靚王。次右。

漢高祖。惠帝。文帝。景帝。武帝。昭帝。宣帝。元帝。成帝。哀帝。光

武帝。明帝。章帝。和帝。殤帝。安帝。順帝。沖帝。桓帝。靈帝。昭

烈帝。

唐高祖。太宗。高宗。睿宗。元宗。肅宗。代宗。德宗。順宗。穆宗。文

宗。武宗。宣宗。懿宗。僖宗。又次左。

遼太祖。太宗。景宗。聖宗。興宗。道宗。

宋太祖。太宗。真宗。仁宗。英宗。神宗。哲宗。高宗。孝宗。光宗。寧宗。理宗。度宗。端宗。

金太祖。太宗。世宗。章宗。宣宗。又次右。

元太祖。太宗。定宗。憲宗。世祖。成宗。武宗。仁宗。泰定帝。文宗。寧宗。

明太祖。惠帝。太宗。仁宗。宣宗。英宗。景帝。憲宗。孝宗。武宗。世宗。穆宗。愍帝。位均南向。凡異代同室者。皆隔別之。兩廡東。風后。倉頡。夔。伯夷。伊尹。傅說。召公奭。畢公高。召穆。

公虎。仲山甫。張良。曹參。周勃。魏相。鄧禹。耿弇。諸葛亮。房元齡。李靖。宋璟。郭子儀。許遠。李晟。裴度。曹彬。李沆。王曾。富弼。文彥博。李綱。韓世忠。文天祥。粘沒忽。木華黎。不忽木。劉基。徐達。楊士奇。于謙。劉大夏。西。力牧。臯陶。龍伯益。仲虺。周公旦。太公望。呂侯。方叔。尹吉甫。蕭何。陳平。劉章。丙吉。馮異。馬援。趙雲。杜如晦。狄仁傑。姚崇。張巡。李泌。陸贄。耶律曷魯。呂蒙正。寇準。范仲淹。韓琦。司馬光。趙鼎。岳飛。斛羅幹。里不伯顏。脫脫。常遇春。李文忠。楊榮。李賢。位均東西向。以北爲上。歲。春秋仲。

大清通志 卷九
月。諏吉遣官將事。

特行崇典。則

皇帝親詣行禮。先二日。禮部尚書一人。詣犧牲所。胝牲如

儀。

右胝牲

致齋

書祝版

胝割牲

胝祝版

儀均同
東西郊祀

先一日。太常寺官入廟。潔蠲殿宇內外。藉以櫻薦。拂

拭

神座。工部司官張

御幄於景德門外階下之左。南向。夜分。太常寺卿率屬入。

具器陳。

正殿中室。分設三案。左一室。統設三案。餘五室。代設四案。

每位。爵三。實酒。每案。登一。鉶二。簠簋各二。籩十。豆十。

其前皆設香案一。各鑪一。鐙二。每室。牛一。羊一。豕一。

殿中設案一。少西北向。供祝版。東設一案。西向西設

一案。東向。分陳每室尊一。每案香盤一。虛爵三。每位禮神制帛一。色白。設福胙於東案尊爵之旁。加爵一。凡牲陳於俎。凡帛每案同筐。凡尊實酒承以舟。疏布冪。勺具兩廡。東設案十。各劍二。簋一。籩一。豆各四。每位爵三。實酒。統羊二。豕二。前設香案四。各鑪一。鐙二。又設案於南。北向。陳尊二。香盤四。虛爵十有二。素帛四十。俎。筐。冪。勺具。西廡帛三十有九。餘陳設同。鑾儀衛設洗於黃幄外。樂部率太常協律郎。設中和韶樂於殿外階上。分東西懸。陳樂舞於樂懸之次。如常儀。

右陳設

陳設畢。太常寺博士引禮部侍郎一人入廟。省眡。正殿牲帛盞盛。及籩豆登劍之實。畢。次詣兩廡。周眡。如儀。
右省盞

辨行禮位。殿門內正中。爲

皇帝行禮拜位。北向。階下甬道左右。爲分獻官拜位。北面。陪祀王公位階上。東西各二班。百官位階下。分獻官之南。東西各五班。重行異等。均北面。東位西上。西位皇帝東上。辨執事位。司拜褥鑾儀衛官二人。立於

皇帝拜位之左。稍後。太常寺司祝一人。立祝案西。司香九人。司帛九人。司爵九人。光祿寺卿二人。太常寺贊答福胙一人。立東案之東。司香七人。司帛七人。司爵七人。侍衛二人。立西案之西。侍儀禮部尚書侍郎各一人。都察院左都御史。副都御史各一人。樂部典樂一人。立東西案之南。太常寺典儀一人。於殿左門外立。司樂。協律郎。樂工。歌工。舞佾。於階上。樂懸東西序立。記注官四人。於西階下序立。糾儀御史。禮部祠祭司官各二人。於陪祀王公拜位之次序立。又御史二人。

祠祭司官二人。鴻臚寺官二人。於陪祀百官拜位之次序立。掌燎官率燎人。立於燎鑪之隅。

右辨位

其日五鼓。步軍統領率所部清蹕除道。自

西華門至

廟門。

御道左右塗巷。皆設布幃。鑾儀衛陳

法駕鹵簿。

詳見北郊祭儀

不陪祀王公百官朝服。咸會。祇候

送日出前六鼓。同

駕如儀。日出前六刻。司祝恭請祝版。設於祝案。太常寺卿赴。

乾清門奏時。

皇帝御祭服。乘禮輿出宮。前引後扈。如常儀。

駕發警蹕。

午門鳴鐘鼓。

駕出西華門。導迎樂前引不作。提鑪執鐙官左右騎導。如

詣

西郊之儀。

右鑾輿出宮

駕將至。鴻臚寺官豫引陪祀王公。於廟門外序立。候

駕至。隨入。太常寺贊禮郎。豫引兩廡分獻官四人。於景德

西側門外序立。陪祀百官。按班入景德東西側門。豫

於行禮位稍南。東西序立。祇候。

駕至。由廟中門入。降輿。右贊引。左對引。太常寺卿二人。恭

導

皇帝入幄次。少俟。太常寺卿奏請行禮。

皇帝出次。盥鑾儀衛官跪。奉盥奉巾。如儀。司拜褥官。豫布

皇帝拜褥於殿門內正中。贊引對引官恭導。皇帝入景德中門。陞中階。進殿中門。至拜位前。北向立。前引內大臣止立殿檐下。提鑪官執鐙官侍衛止立階下。後扈大臣隨侍。贊禮郎引分獻官東西各二人。於甬道左右。鴻臚寺官引陪祀王公升東西階。引陪祀百官於廟庭左右。均就拜位。北面序立。典儀贊樂舞生登歌。執事官各共廼職。武舞執干戚進。贊引奏就位。

皇帝就位立。

右就次盥洗就位

典儀贊迎

神。左司香二人。右司香一人。奉香盤。東西趨進。均折而北。詣中一室。

三皇香案前。左司香七人。右司香六人。奉香盤。分詣各室。香案前祇候。司樂贊舉迎。

神樂。奏肇平之章。辭曰。撫時兮極隆。造經綸兮顯庸。總古今兮一揆。貽大寶兮微躬。仰徽猷兮有嚴闕宮。予稽首兮下風。協律郎舉麾。工鼓祝。樂作。贊引奏就上香。

位暨對引官恭導舉瓊工爐獻樂升贊臣奏薦土香

皇帝詣

太昊伏羲氏香案前對引官至祝案前止立司香跪進香

贊引奏土香

皇帝上炷香三上瓣香畢以次詣六人香案前各室

炎帝神農氏

皇帝軒轅氏香案前上香儀同左右各室司香跪上香畢

皆趨退贊引奏復位暨對引官恭導

皇帝復位奏跪拜興

皇帝行二跪六拜禮王公百官均隨行禮協律郎偃麾工

憂敵樂止

凡樂以舉麾鼓祝作以偃麾憂敵止後同

右迎神

典儀贊奠帛爵行初獻禮有司揭尊幕勺挹酒實爵

司帛奉篚司爵奉爵以次詣各

神案前司樂贊舉初獻樂奏興平之章辭曰莽若雲兮神

之行予仰止兮在廷承篚篚兮既登偃靈蓋兮翠旌

鑒予情兮歆享薦芳馨兮肅成樂作司樂舉節舞干

戚之舞凡舞以節領之導引升降後同司帛跪獻篚奠於各案三叩

興。司爵立獻爵於各墊中。退。贊禮郎引分獻官升東
西階。詣兩廡。以次跪上香。畢。興。立香案前。執事生奠
帛獻爵。如儀。皆退。司祝至祝案前。跪。三叩。奉祝版跪
案左。樂暫止。贊引奏跪。

皇帝跪。羣臣皆跪。贊讀祝。司祝讀祝。辭曰。維某年月日。

皇帝致祭於

太昊伏羲氏。

炎帝神農氏。

黃帝軒轅氏。

帝金天氏。

帝高陽氏。

帝高辛氏。

帝陶唐氏。

帝有虞氏。

夏十四王。

商二十六王。

周三十二王。

漢二十一帝。

唐十五帝。

遼六帝。

宋十四帝。

金五帝。

元十一帝。

明十三帝。曰。仰惟

諸帝。應運代興。作君作師。撫育黎烝。創治維艱。基業用宏。

守文不易。謨烈是承。風教既遠。功德可稱。報於仲春秋。

神其式憑。尚

饗。讀畢。興。奉祝版。跪安。

太昊伏羲氏神位前。篚內三叩。興。退。樂作。贊引奏拜。興。

皇帝率羣臣行三拜禮。興。贊禮郎引分獻官降階。復位。樂

止。武功之舞退。文舞執羽籥進。

右初獻

典儀贊行亞獻禮。司樂贊舉亞獻樂。奏崇平之章。辭

曰。貳觴兮酒行。念昔致治兮永清。瞻龍袞兮若英。願

紹錫兮嘉平。樂作。舞羽籥之舞。司爵奉爵。以次詣各

案前。恭獻於左。兩廡贊禮郎引分獻官分獻。如初。樂

止。前恭。燹。於。式。河。無。贊。厥。頌。詩。公。燹。河。公。燹。吹。厥。樂。
右亞獻

典儀贊行終獻禮。司樂贊舉終獻樂。奏恬平之章。辭曰。鬱鬯兮獻終。萬舞洋洋兮沐清風。龍鸞徐整兮企子。示周行兮迪予衷。樂作。舞同亞獻。司爵獻爵於右。兩廡隨分獻。均如亞獻儀。畢樂止。文德之舞退。

右三獻

既終獻。太常寺贊禮郎一人。少前。西面立。贊答福胙。光祿寺卿二人。奉福胙。至。

太昊伏羲氏位前。拱舉退。祇立於

皇帝拜位之右。侍衛二人。進立於左。贊引奏跪。

皇帝跪。左右官皆跪。奏飲福酒。右官進福酒。

皇帝受爵。拱舉。授左官。次受胙。如飲福之儀。奏拜興。

皇帝三拜興。又奏跪拜興。

皇帝率羣臣行二跪六拜禮。典儀贊徹饌。司樂贊舉徹饌

樂。奏淳平之章。辭曰。盍肴烝兮畢升。五音會兮滿盈。

禮將徹兮虔告。鑿孔忱兮載翼載登。樂作。徹畢。樂止。

右受福胙徹饌

典儀贊送

神。司樂贊舉送

神樂。奏匡平之章。辭曰。羽幢繚繞兮動回風。和鸞並馭兮

歸天宮。五雲擁兮高馳翔。願回靈盼兮錫年豐。樂作。

贊引奏跪拜興。

皇帝率羣臣行二跪六拜禮。興。樂止。

右送神

典儀贊奉祝帛饌送燎。司祝。司帛詣各

神案前。咸跪。三叩。司祝奉祝。司帛奉篚。興。司香跪奉香。司

爵跪奉饌。興。以次由中道出。恭送燎所。

皇帝轉立拜位旁。西向。

司拜禱官徹拜禱。

俟祝帛過。

仍布拜禱。

皇帝復位立。兩廡香帛饌均送焚燎。太常寺贊禮郎引分

獻官退。鴻臚寺官引陪祀王公百官均退立拜位東

西旁。樂作。

樂章與上並為一闕。

辭曰。駕羣龍兮一氣中。焄蒿芬

烈兮實冥通。望神光兮遙燭。惟終古兮是崇。贊引奏

禮成。恭導

皇帝仍由景德門中門出。陞輿。

法駕鹵簿前導。導迎樂作。奏祐平之章。辭曰。時敘羣品。端

在一欽。衣德凝命。荷天之任。景軌儀誠。既歆肅駿奔。顯若臨。不陪祀。王公百官。仍朝服。祇候。

駕至跪迎。

午門鳴鐘。樂止。王公隨。

駕入。至內金水橋。恭候。

皇帝還宮。各退。太常寺官徹。

乾清門齋戒。牌銅人送寺。

右禮成回鑾。

遣官致祭之禮。先二日。祗牲如儀。承祭官分獻官暨。

文官郎中。武官叅領。世爵輕車都尉。以上均於邸第致齋。先一日。太常寺以祝版送內閣。恭書受而藏諸。

廟內。

神庫。光祿寺少卿。御史禮部祠祭司官。朝服。祗割牲。瘞。

毛血。有司供具。並如儀。及祀之日。雞初鳴。承祭官及。

分獻官。朝服。祇蒞於廟。禮部侍郎入廟省盥。畢。質明。

承祭官。王公入景德左門。領侍衛內大臣。尚書等入右門。升左階。位於。

階上。領侍衛內大臣。尚書等位階下。北面迎神。贊就上香位。出入殿。

左門。承祭官。分獻官。及陪祀官。行三跪九叩禮。不飲。

福受胙。王公不陪祀。贊引以太常寺贊禮郎。祝帛送燎。避立西旁。東面。餘均如儀。

右遣官儀

皇帝時巡省方。有古昔

帝王陵寢在其地者。間行

特典。親詣致祭。

親祭之禮。有司諏吉。豫期。守土官潔埽享殿內外。扈從王

公暨文武官陪祭。視

京師

帝王廟。地方文官知府。武官副將以上。與朝臣陪祭者。以

其班序。班詳朝會儀。先一日。

皇帝率羣臣齋。

行在太常寺官具祝版。凡祭事皆行在太常寺官具祝版。凡祭事皆行在太常寺官具祝版。送內閣中書舍

人敬書祝文。翰林院隨時撰擬。於版。訖。授太常寺官豫送祭

所。

右具祝版

是日昧爽。光祿寺卿一人。眡割牲。守土官於祭所神

廚。設香案。光祿寺卿公服。上香。宰人牽牲告臚。遂及

守土官眡宰。瘞毛血。如儀。

右眡割牲

祭之前夕。工部司官張黃幄於享殿二門內之左。鑾儀衛官設洗於幄次。及夜分。太常寺卿屬率守土官入享殿。具

神位前陳設。牛一。羊一。豕一。登一。鉶二。簠簋各二。籩豆各十。鑪一。鐙二。設案一於享殿中。少西北向。供祝版。設案一於東。西向。陳禮神制帛一。色白。香盤一。尊一。冪勺具。爵三。乃辨位。設

皇帝拜位於享殿內正中。北向。司拜褥官二人。立於左。稍後。陪祀王公位階上。百官位階下。東西序立。重行異等。均北面。司祝。司香。司帛。司爵。分立祝案。尊案之次。記注官立西階下。東面。糾儀御史。禮部祠祭司官。引禮鴻臚寺官。分立王公百官拜位左右。東西面。典儀一人。立享殿東檐下。西面。掌燎官率燎人。立燎鑪之隅。

右供張陳設序位

祭日。漏未盡。守土大吏率屬。治道清蹕。自

行宮至祭所。泥埽。無令塵揚。鑾儀衛官陳

騎駕鹵簿。詳軍於禮。

行在宮門外。領侍衛內大臣及內大臣。勒所部翊衛官。

護軍統領。宗人府王公。勒所部後管官。采服。分班於

行宮門外。祇候。不陪祭。扈從官序列。

行宮門外。守土官。序列祭所門前道左。陪祭王公。於享

殿大門外。序列候。

駕至。隨入。內外文武官。於享殿庭左右序列。執事官豫入

就位。均采服。屆時。太常寺卿赴

行宮奏時。

皇帝龍袍補服。乘輿。出宮。前引。後扈。不陪祭。扈從官跪送。

如常儀。

右鑾輿出行宮

駕至祭所。不陪祭。守土官跪迎。

皇帝於大門內。降輿。右贊引。左對引。太常寺卿二人。恭導

皇帝由二門中門入。至幄次。少埃。出。盥。鑾儀衛官跪。奉盥

奉巾如儀。司拜褥官。豫布拜褥。贊引對引官。恭導

皇帝陞中階。入殿中門。詣拜位前立。內大臣侍衛。止立階

下。後扈大臣隨侍。鴻臚寺官引陪祭王公百官。按班均就拜位序立。典儀贊執事官各共廼職。贊引奏就位。

皇帝就位立。

右盥洗就位

皇帝既就位。司香奉香。跪於香案之左。贊引恭導。

皇帝詣香案前立。奏上香。司香進香。

皇帝上炷香。三上瓣香。畢復位。奏跪拜興。

皇帝行二跪六拜禮。王公百官均隨行禮。

右迎神

典儀贊奠帛爵。行初獻禮。司帛奉篚。司爵奉爵。以次詣

神位前。司帛跪獻篚。奠於案。三叩興。司爵立獻爵於墊中。畢。各退。司祝詣祝案前。跪。三叩。奉祝版跪案左。贊引奏跪。

皇帝跪。羣臣皆跪。贊讀祝。司祝讀祝文。訖興。奉祝版跪安於篚內。三叩退。贊引奏拜興。

皇帝率羣臣行三拜禮。興。典儀贊行亞獻禮。司爵獻爵於

左贊行終獻禮。司爵獻爵於右。均如初儀。

右三獻

典儀贊奉祝帛送燎。司祝司帛詣

神位前。咸跪三叩。司祝奉祝。司帛奉篚。興。司香跪奉香。興。

以次恭送燎所。

皇帝轉立拜位東旁。西向。司拜褥官徹拜褥。俟祝帛過。仍布拜褥。復位

立。

右燎祝帛

祝帛出。贊引奏禮成。暨對引官恭導

皇帝降中階。出中門。乘輿還

行宮。前列鹵簿。導從扈衛。如來儀。陪祭官退。不陪祭。守

土官仍於道左跪送。扈從官於

行宮外跪迎。如儀。

右禮成還行宮

輦蹕所經。有古昔

帝王陵寢。在御道三十里內者。遣官一人祇告。豫期。太常

寺官具祝文。翰林院隨時撰擬。香帛授遣官齎往。守土官潔

掃享殿內外。戒辦牲牢器物。備執事。司祝。司香。司帛

司爵以府州縣佐貳官充。通贊以教諭訓導引贊以學弟子員。遣官既至。及執事官齋。其夕宰人割牲於廚。地方官州若縣一人公服。眡宰。瘞毛血。如儀。祭日昧爽。守土官入陳。

神位前牛一。羊一。豕一。登一。鉶二。簋簋各二。籩豆各十。鑪一。鐙二。設案於左。陳禮神制帛一。色白。香盤一。尊一。爵一。三。設案一於中。少西。供祝版。設洗於階東。引贊二人。俟於門。質明。執事官豫入就位。均朝服。遣官朝服至祭所。引贊引自殿垣左門入。詣東階下盥。至階中北

面立。通贊贊就位。遣官就位。贊就上香位。引贊引遣官升東階。入殿左門。詣香案前。司香跪奉香。引贊贊跪。遣官跪。贊上香。遣官上香。畢。與贊復位。遣官仍降東階。復位。贊跪叩。與遣官行三跪九叩禮。通贊贊行初獻禮。司帛奉篚。跪獻於案。三叩。與司爵奉爵。奠於正中。各退。贊讀祝。引贊贊跪。遣官跪。司祝至祝案前。跪。三叩。奉祝版宣讀。訖。復於案。三叩。與退。贊叩。與遣官三叩。與通贊贊行亞獻禮。司爵奠爵於左。贊行終獻禮。司爵奠爵於右。均如初儀。引贊贊跪叩。與遣官

行三跪九叩禮。通贊贊奉祝帛送燎。執事各奉祝帛。香由中道送燎。如儀。遣官避立拜位東。俟過復位。引贊贊禮畢。引遣官仍由殿垣左門出。執事官皆退。

右時巡祭告

直省所在

歷代帝王陵寢逢

朝廷有大

慶典。遣官分詣致祭。祭

伏羲氏陵於寧淮。

女媧氏於趙城。

神農氏於鄴。

軒轅氏於中部。

少昊氏於曲阜。

高陽氏。

高辛氏於滑。

陶唐氏於濮。

有虞氏於寧遠。

夏王禹於會稽。

商王湯於滎河。中宗於內黃。高宗於西華。

周文王。武王。成王。康王。於咸寧。

漢高祖於涇陽。文帝於咸寧。宣帝於長安。光武帝於孟津。後魏文帝於富平。

唐高祖於三原。太宗於醴泉。憲宗於蒲城。宣宗於涇陽。

後周世宗於鄭州。

宋太祖。太宗。真宗。仁宗。於鞏。

遼太祖於廣寧。

金太祖。世宗。於房山。

元太祖。世祖。於宛平北。

明太祖於江寧。宣宗。孝宗。世宗。於昌平。凡祭。皆就享殿行禮。或因陵寢設壇。惟元陵望祭。

右祭所

豫期。有司諏吉日。禮部疏列閣部院寺文職二品以下。四品以上官銜名。候

旨分遣承祭。將遣官。

皇帝散齋一日。遣官各齋於次。太常寺具禮神香制帛。色白。

祝文。翰林院隨時撰擬。送禮部。禮部祠祭司官各加封題翼。

日黎明。遣官公服。會於禮部。太常寺官。設黃案於
中和殿。正中一。左右各一。均南向。鑾儀衛設龍亭一。於
禮部堂上。正中。設香亭一。於龍亭前。祠祭司官恭奉
祝文。香帛。設龍亭內。校尉舁亭行。導以御仗。香亭在
前。龍亭在後。進。

大清門中門。至。

午門前。亭止。禮部祠祭司官公服。詣龍亭前。跪。三叩。恭
奉祝文。香帛。由

午門左門。

昭德門。至。

中和殿。由中門入。陳祭文於正中黃案。陳帛左案。陳香
右案。畢。跪。叩。如初奉時。由殿左門出。退立階下。直班
記注官四人。序立於殿西檐下。導引太常寺卿二人。
序立於殿北門外。禮部尚書侍郎各一人。分立殿東
西檐之次。侍儀。又侍郎一人。率欽天監博士。詣階下。
乾清門奏時。出。

皇帝御補服。乘輿出宮。導從扈衛。如常儀。至
中和殿北階上。降輿。太常寺卿導引。

御殿內詣案前。北向。徧太常寺。祝文。香帛。畢。仍自殿北門乘輿。還宮。禮部祠祭司官奉祝文。香帛。出。

午門設龍亭內。如來儀。所司徹案。校尉昇亭。出。禮部尚書侍郎。從至禮部。陳於堂上正中。遣官及齋送香帛。筆帖式。以次序立於堂左。禮部尚書一人。於亭左立。祠祭司官詣亭前。跪。三叩。以次奉祝。帛。香。授尚書。轉授遣官。遣官跪受。與授筆帖式。依序由中門出。若非親閱。太常寺具禮神香。祝制帛。送禮部。各加封題。禮部尚

書率執事官屬暨遣官散齋一日。至日黎明。咸公服。畢會禮部。祠祭司官設三案於堂上正中。奉祝文。設於中案。陳香左案。陳帛右案。訖。退立案前左右贊事。禮部尚書一人。敬謹周眡。訖。以次分授遣官。如前儀。右閱祝文。香帛。遣祭官。

遣官至所祭地。守土官。豫日。供具備執事人。眡割牲。瘞毛血。如儀。祭日。陳設。遣官行禮儀。注。與時巡遣官祭告禮同。

直右祭儀

直省所在

帝王陵寢。歲春秋仲月。守土正官一人致祭。執事以禮生。

祭日用羊一豕一。餘陳設及行禮儀注。與

慶典遣官禮同。

右所在專祭

大清通禮卷之十

吉禮

傳心殿

經筵致祭

傳心殿之禮。

傳心殿內。

皇師伏羲氏。正位南向。

皇師神農氏。

皇師軒轅氏。

帝師陶唐氏。

帝師有虞氏。

王師夏王禹。

王師商王湯。

王師周文王。

王師周武王。左右分序。均南向。

先聖周公。東位。西向。

先師孔子。西位。東向。歲以春秋仲月。

皇帝御經筵之日。遣官一人祇告。如

特行崇典。則

皇帝親詣行禮。太常寺豫日以祝版送內閣恭書。

祝文。翰林院隨

時撰擬。先一日。司祝由太常寺恭奉祝版。導以御仗。送

至

傳心殿祝版房。設於案。跪叩如儀。祀日昧爽。所司潔除

殿內外。展

神幄。工部司官藉椽薦。太常寺卿率屬具器陳。

皇師。

帝師。

王師位前各設一案。每案。銅一。邊二。豆二。前設香案一。陳
鑪一。鐙二。

先聖。

先師位前。每案。銅一。邊二。前設香案一。陳鑪一。鐙二。殿中
設一案。少西北向。供祝版。東設一案。西向。陳禮神制
帛十。色白。香盤六。爵十有八。尊二。西設一案。東向。陳禮
神制帛一。色白。香盤五。尊一。爵十有五。凡帛。正位同。篚
東西位各異。篚。凡尊。實酒。承以舟。疏布。冪。勺具。乃辨
位。

皇帝拜位在殿內正中。北向。鑾儀衛司拜褥官。立於

皇帝拜位之左。稍後。太常寺司祝。立祝案西。東面。司香。立
東西案後。負序。東西面。典儀。立殿門外之東。西面。記
注官。立殿門外之西。東面。掌燎官。率燎人。立於東門
外。燎鑪之隅。日出前三刻。司祝詣

傳心殿。祝版房。恭奉祝版。安於祝案。司爵。揭尊冪。勺挹
酒。實爵。司帛。奉篚。司爵。奉爵。進至各

神位前。奠於案。司拜褥官。豫布拜褥於殿門內正中。各退。
太常寺卿。赴

乾清門奏時。

皇帝御補服。乘輿出宮。前引後扈。如常儀。

駕至文華門內東門。降輿。前引內大臣侍衛均止立。後扈大臣隨侍。右贊引。左對引。太常寺卿二人恭導。

皇帝由殿垣西門入。

景行中門。陞中階。進殿中門。至拜位前。北向立。典儀贊

執事官各共廼職。贊引奏就位。

皇帝就位立。司香各奉香盤詣

神位前祇奠。贊引奏就上香位。及對引官恭導。

皇帝詣

皇師伏羲氏香案前。對引官至祝案前止立。司香跪進香。

贊引奏上香。

皇帝上炷香。三上瓣香。畢。以次詣各

神位前。上香。如前儀。贊引奏復位。及對引官恭導。

皇帝復位立。奏跪拜興。

皇帝行二跪六拜禮。興。司祝詣祝案前。跪。三叩。奉祝版跪。

皇帝案左。贊引奏跪。

皇帝跪。贊讀祝。司祝讀祝。畢。興。奉祝版跪安。

神位前篚內三叩興退贊引奏拜興。
皇帝行三拜禮興又奏跪拜興。

皇帝行二跪六拜禮興典儀贊奉祝帛送燎司祝司帛詣神位前咸跪三叩司祝奉祝司帛奉篚興司香跪奉香興。
以次由中道出恭送燎所。

皇帝轉立拜位東西向。司拜褥官微拜褥。俟祝帛過。仍布拜褥。

皇帝復位立贊引奏禮成及對引官恭導

皇帝出殿中門降中階詣

文華殿。

御經筵進講。儀詳嘉禮。畢乘輿還宮執事官以次退。

右祇告儀

遣官致祭

傳心殿贊引太常寺贊禮郎二人引承祭官入殿垣東門循

景行門東夾道至殿門外階下正中行禮。上香。出入殿左門。祝帛送燎。承祭官避立西旁。東面。餘如儀。

右遣官儀

月朔望太常寺卿一人率屬詣

傳心殿。具器陳。設酒果。上香。行禮。如儀。

右常祀儀

轉心殿黃氏太...

大清通禮卷之十一

吉禮

先師

春秋釋奠

先師孔子之禮。

大成殿內。

至聖先師。正位。南向。

復聖顏子。

述聖子思子。東位。西向。

宗聖曾子。

亞聖孟子。西位東向。兩序。

先賢東。閔子損。冉子雍。端木子賜。仲子由。卜子商。有子若。皆西向。西。冉子耕。宰子予。冉子求。言子偃。顓孫子師。朱子熹。皆東向。兩廡。

先賢東。蘧瑗。澹臺滅明。原憲。南宮适。商瞿。漆雕開。司馬耕。梁鱸。冉孺。伯虔。冉季。漆雕徒父。漆雕哆。公西赤。任不齊。公良孺。公肩定。鄒單。罕父黑。榮旂。左人郢。鄭國。原亢。廉潔。叔仲會。公西輿如。邾異。陳亢。琴張。步叔乘。

秦非。顏噲。顏何。縣亶。樂正克。萬章。周敦頤。程顥。邵雍。西林放。宓不齊。公冶長。公皙哀。高柴。樊須。商澤。巫馬施。顏辛。曹卹。公孫龍。秦商。顏高。壤駟赤。石作蜀。公夏首。后處。奚容蒧。顏祖。句井疆。秦祖。縣成。公祖句茲。燕伋。樂欬。狄黑。孔忠。公西蒧。顏之僕。施之常。申枨。左邱明。秦冉。牧皮。公都子。公孫丑。張載。程頤。

先儒東。公羊高。伏勝。董仲舒。后蒼。杜子春。諸葛亮。王通。范仲淹。歐陽修。楊時。羅從彥。李侗。呂祖謙。蔡沈。陳淳。魏了翁。王柏。趙復。許謙。吳澄。胡居仁。王守仁。羅欽順。

西。穀梁赤。高堂生。孔安國。毛萇。鄭康成。范甯。韓愈。胡
瑗。司馬光。尹焞。胡安國。張栻。陸九淵。黃幹。真德秀。何
基。陳澔。金履祥。許衡。薛瑄。陳獻章。蔡清。陸隴其。均北
上。東西向。

崇聖祠殿內中。

肇聖王木金父左。

裕聖王祈父右。

詒聖王防叔次左。

昌聖王伯夏次右。

啟聖王叔梁紇皆南向。

先賢。顏無繇。孔鯉。東位。西向。曾點。孟孫氏。西位。東向。

先儒。東廡。周輔成。程珦。蔡元定。西向。西廡。張廸。朱松年。

東向。均北上。歲以春秋仲月上丁。遣官將事。

特行崇典則

皇帝親詣行禮。先三日。禮部尚書一人。詣犧牲所。眡牲。如

儀。

右眡牲

致齋

書祝版

眠祝版

帝王廟。儀均同。

先一日。宰人豫鑿坎於宰牲亭之西。國子監官設香案一於宰牲亭外。光祿寺少卿一人朝服詣香案前。上香。遂及御史禮部祠祭司官國子監丞朝服眠宰。宰人割牲以豆取毛血瘞於坎如常儀。

右眠割牲

將事前夕。國子監祭酒率屬潔蠲殿內外。藉以櫻薦。拂拭。

神座。工部司官張大次於大成門外之左。夜分。太常寺卿

國子監祭酒各率其屬入。具器陳

先師位前。牛一。羊一。豕一。登二。鉶二。簋二。籩二。邊十。豆十。

鑪一。鐙二。

四配位前。各羊一。豕一。鉶二。簋二。籩二。邊八。豆八。鑪一。

鐙二。

十二哲位前。鉶一。簋一。籩一。邊四。豆四。東西各羊一。豕

一。鑪一。鐙二。殿中設一案。少西北向。供祝版。其南東

設一案。西向。陳禮神制帛九。色白。香盤四。尊三。爵二十

有七。西設一案。東向。陳禮神制帛八。香盤三。尊二。爵二十有四。凡牲。陳於俎。凡帛。正位四。配異篚。十二。哲東西共篚。凡尊。實酒。承以舟。疏布冪。勺具。東廡二位。同案。每位爵一。實酒。每案簋一。籩一。籩四。豆四。先賢案前。羊二。豕二。香案一。鑪二。鐙二。先儒案前。羊一。豕一。香案一。鑪一。鐙二。設案一於南北向。陳禮神制帛二。香盤二。尊三。虛爵六。俎。篚冪勺具。西廡陳設同。

崇聖祠正位前。各羊一。豕一。鉶二。簋。籩。各二。籩。豆。各八。

鑪一。鐙二。配位前。簋一。籩一。籩四。豆四。東西。羊。豕。各一。鑪一。鐙二。中設一案。少西。供祝版。東設一案。陳禮神制帛七。白色香盤六。尊四。爵二十有一。西設一案。陳禮神制帛二。香盤一。尊三。爵六。兩廡。東二案。西一案。每位。爵一。實酒。餘陳設。簋。籩。籩。豆。羊。豕。鑪。鐙。如配位之數。各南設一案。陳禮神制帛一。香盤一。尊一。虛爵三。俎。篚。冪。勺。皆具。鑾儀衛官。設洗於大次之外。樂部。率太常協律郎。設中和韶樂於殿外兩階。金編鐘在東。玉編磬在西。皆十有六。懸以虞業。東應鼓一。祝一。

磨一。西。敵一。東西。分列。琴六。瑟四。簫六。篪六。箎四。排
簫二。塤二。笙六。搏拊二。旌二。羽籥三十有六。太常寺
官。設洗於

崇聖祠階下之東。如式。

右陳設

陳設畢。太常寺博士。引禮部侍郎一人入廟。恭詣

大成殿。周省盥盛。及籩豆登鉶之實。次詣兩廡。省畢。引詣
崇聖祠正殿。及兩廡。省。如儀。

右省盥

辨行禮位。殿門內正中。爲

皇帝拜位。北向。階下甬道左右。爲分獻官拜位。正殿分獻
官六人在前。兩廡分獻官四人在後。均北面。陪祀王
公位階上。東西各二班。百官位階下。分獻官之南。東
西各五班。重行異等。東位西上。西位東上。均北面。辨
執事位。鑾儀衛司拜褥官二人。立於

皇帝拜位之左。稍後。太常寺司祝一人。立祝案西。東面。司
香四人。司帛四人。司爵九人。立東案之東。西面。司香
三人。司帛三人。司爵八人。立西案之西。東面。侍儀禮

大清通志 卷十一 六
部尚書侍郎各一人。都察院左都御史副都御史各一人。樂部典樂一人。分立東西案之南。東西面。太常寺典儀一人。立殿左門外西面。司樂協律郎樂工歌工。文德之舞六佾。於階上樂懸東西序立。記注官四人。於西階下序立。糾儀御史四人。禮部祠祭司官四人。引禮鴻臚寺官四人。分立王公百官拜位之次。掌燎官率燎人。立於燎鑪之隅。兩廡。國子生司香司帛司爵東西各二人。序立南案之南。均北面。承祭崇聖祠官。拜位在階下。分獻官四人。拜位在承祭官後。

讀祝拜位。在殿中門檻內。均北面。太常寺司祝典儀掌燎各一人。正殿國子官司香七人。司帛九人。司爵九人。兩廡國子生司香司帛司爵東西各三人。立位與前儀同。

右辨位

其日五鼓。步軍統領率所部清蹕除道。自

東華門至

廟門。

御道左右塗巷。皆設布幃。鑾儀衛陳

大清通志

卷十一

法駕鹵簿。詳見北郊祭儀。不陪祀王公百官朝服咸會。祇候

送

駕如儀。日出前六刻。司祝恭請祝版。設於祝案。太常寺卿

赴

乾清門奏時。

皇帝御祭服。乘禮輿出宮。前引後扈。如常儀。

駕發警蹕。

午門鳴鐘鼓。

駕出東華門。導迎樂前引不作。執鑪鐙官。左右騎導。如詣

東郊之儀。

右鑾輿出宮

駕將至。太常寺贊禮郎。豫引四配。兩序。兩廡。分獻官十人

於大成西側門外序立。鴻臚寺官。豫引陪祀王公。於

廟左右門外序立。候

駕至。隨入。引陪祀百官。入大成左右側門。豫於行禮位稍

南。東西序立。祇候。

駕至廟門外。降輿。右贊引。左對引。太常寺卿二人。恭導

皇帝由中門入。就大次。少俟。太常寺卿奏請行禮。百官亦

皇帝出次。盥。鑿儀衛官跪奉盥。奉巾如儀。司拜褥官豫布拜褥於殿門內正中。贊引對引官恭導。

皇帝入大成中門。陞階。進殿中門。至拜位前。北向立。前引內大臣止立。殿檐下提鑪官執鐙官侍衛均於階下止立。後扈大臣隨侍。贊禮郎引分獻官東西各五人。於甬道左右。鴻臚寺官引陪祀王公升東西階。引百官於庭中左右。均就拜位。北面序立。典儀贊樂舞生登歌。執事官各共廼職。文舞執羽籥進。贊引奏就位。皇帝就位立。

右就次盥洗就位

典儀贊迎

神司樂贊舉迎

神樂奏昭平之章。辭曰。大哉至聖。德盛道隆。生民未有。百王是崇。典則昭垂。式茲辟雍。載虔簠簋。載嚴鼓鐘。協律郎舉麾。工鼓柷。樂作。贊引奏就上香位。及對引官恭導。

皇帝詣

先師香案前。對引官至祝案前止立。司香跪進香。贊引奏

上香。

皇帝上炷香。三上瓣香。畢。奏復位。及對引官恭導皇帝復位。奏跪拜興。

皇帝行二跪六拜禮。興。王公百官均隨行禮。協律郎偃麾。

工憂敵樂止。

凡樂以舉麾。鼓祝作以偃麾。憂敵止。後同。

右迎神

典儀贊奠帛。爵行初獻禮。司樂贊舉初獻樂。奏宣平之章。辭曰。覺我生民。陶鑄賢聖。巍巍泰山。實予景行。禮備樂和。豆籩嘉靜。既述六經。爰斟三正。樂作。司樂

舉節舞羽籥之舞。

凡舞以節領之。導引進退。後同。

有司揭尊罍。勺挹

酒。實爵。正位。司帛一人奉篚。司爵一人奉爵。以次詣先師位前。司帛跪獻篚。奠於案。三叩興。司爵獻爵。奠於塾中。皆退。左右司香六人奉香盤。司帛六人奉篚。司爵十有六人奉爵。進至

四配。

十二哲位前。贊禮郎引正殿分獻官。升東西側階。入殿左右門。至各

神位前。上香。奠帛。獻爵。如儀。仍由殿左右門出。降階。復

位。兩廡。司香。司帛。奉香盤。帛篚。各進至香案前。贊禮
郎引分獻官。上香。奠帛。司爵由南案前奉爵。東西序
進。各詣

先賢

先儒位前。獻爵。畢。皆退。復位。司祝至祝案前。跪。三叩。奉
祝版。跪案左。樂暫止。贊引奏跪。

皇帝跪。羣臣皆跪。贊讀祝。司祝讀祝。辭曰。維某年月日

皇帝御名致祭於

至聖先師孔子曰。惟

師德配

天地。道冠古今。刪述六經。垂憲萬年。茲當仲春秋。祇奉舊章。謹
以牲帛酒果致祭。配以

復聖顏子。

宗聖曾子。

述聖子思子。

亞聖孟子尚

饗。讀畢。興。奉祝版。跪安

先師位前。篚內。三叩。興。退。樂作。贊引奏拜興。

皇帝率羣臣行三拜禮。興樂止。

右初獻

典儀贊行亞獻禮。司樂贊舉亞獻樂。奏秩平之章。辭曰。至哉聖師。克明明德。木鐸萬年。惟民之則。清酒既醕。言觀秉翟。太和常流。英才斯植。樂作。舞同初獻。正位。司爵奉爵。詣

先師位前。恭獻於左。贊禮郎引分獻官。詣

四配

十二哲。兩廡。隨分獻。如初。樂止。

右亞獻

典儀贊行終獻禮。司樂贊舉終獻樂。奏敘平之章。辭曰。猗歟素王。示予物軌。瞻之在前。師表萬祀。酌彼金罍。我酒惟旨。登獻雖終。弗遐有喜。樂作。舞同亞獻。正位。司爵奉爵。詣

先師位前。恭獻於右。

四配

十二哲。兩廡。均隨分獻。如亞獻儀。樂止。文德之舞退。

典右三獻

典儀贊徹饌。司樂贊舉徹饌樂。奏懿平之章。辭曰。璧水淵淵。芹芳藻潔。既歆至聖。亦儀前哲。聲金振玉。告茲將徹。馭假有成。日月昭揭。樂作。徹畢。樂止。

右徹饌

典儀贊送

神。司樂贊舉送

神樂。奏德平之章。辭曰。煌煌辟雍。四方來宗。甄陶樂育。多士景從。如土斯埴。如金在鎔。佐予敷治。俗美時雍。樂作。贊引奏跪拜興。

皇帝率羣臣行二跪六拜禮。興。樂止。

右送神

典儀贊奉祝。帛饌。送燎。司祝。司帛。詣

先師位前。咸跪。三叩。司祝奉祝。司帛奉篚。興。司香跪奉香。司爵跪奉饌。興。以次由中道出。恭送燎所。

皇帝轉立拜位旁。西向。

司拜褥官徹拜褥。

俟祝帛過。

仍布拜褥。

皇帝復位立。四配。十二哲。兩廡。香帛饌。均送焚燎。太常寺

贊禮郎引分獻官退。鴻臚寺官引陪祀王公百官退。

皇帝立拜位東西。樂作。贊引奏禮成。暨對引官恭導。

皇帝仍由大成中門出。陞輿樂止。法駕鹵簿前導。導迎樂作。奏祐平之章。辭曰。先聖垂軌。千載是祇。虔奉師表。景行行止。奠兩楹。神降之。啟後人。文在茲。不陪祀。王公百官仍朝服。祇候。駕至跪迎。

午門鳴鐘。樂止。王公隨

駕入。至內金水橋。恭候

皇帝還宮。各退。太常寺官徹

乾清門齋戒牌銅人送寺。

右禮成回鑾

崇聖祠同時遣官致祭。贊引太常寺贊禮郎引承祭官入祠垣左門。引分獻官隨入。承祭官詣階下。盥手。典儀贊執事官各司其事。贊禮郎贊就位。引承祭官分獻官就位立。典儀贊迎神。司香奉香盤。就各香案前立。贊禮郎贊升階。引承祭官升東階。入殿左門。贊詣

肇聖王位前。贊跪。承祭官跪。俯伏。贊上香。司香跪奉香。承祭官上炷香。三上瓣香。畢。俯伏。興。次詣左右正位前。

跪。上香。儀同。退及殿左門。北面揖出。降階。復位。贊禮
郎引分獻官升東西階。入殿左右門。分詣配位前。跪。
上香。如儀。咸退及門。北面揖出。降階。復位。引兩廡分
獻官。分詣兩廡從位前。跪。上香。揖出。復位。均如前儀。
贊禮郎贊跪。叩。興。承祭官分獻官行三跪九叩禮。興。
典儀贊奠帛。爵。行初獻禮。贊禮郎引承祭官升階。贊
詣中案前。贊跪。承祭官跪。俯伏。司帛跪奉篚。承祭官
受篚。拱舉。以授司帛。興。奠於案。司爵跪奉爵。承祭官
受爵。拱舉。以授司爵。興。詣

神位前。奠於墊中。退。承祭官俯伏。興。以次詣左右正位前。
跪。奠帛。獻爵。儀同。贊禮郎贊就讀祝位。引承祭官詣
拜位立。司祝至祝案前。跪。三叩。奉祝版。跪案左。贊跪。
承祭官分獻官皆跪。贊讀祝。司祝讀祝。辭曰。維某年
月日。

皇帝遣某官某致祭於

肇聖王

裕聖王

貽聖王

昌聖王。

啟聖王曰。惟

王。誕生至聖。爲萬世王者之師。功德顯著。茲當仲春。謹以

庶品之儀致祭。配以

先賢顏氏。

先賢曾氏。

先賢孔氏。

先賢孟孫氏。尚

饗。讀畢。興。奉祝版。跪安。

肇聖王位前篚內。三叩興退。贊禮郎贊叩興承祭官。分獻
官。行三叩禮。興贊復位。引承祭官退及殿左門。北面
揖出。降階。復位。贊禮郎引正殿分獻官。升東西階。入
殿左右門。詣配位前。引兩廡分獻官。分詣兩廡從位
前。跪。俯伏。奠帛。獻爵。俯伏。興退及門。揖出。復位。均如
正獻儀。亞獻。各獻爵於左。終獻。各獻爵於右。均如初
儀。典儀贊徹饌。有司徹饌畢。贊送

神。贊禮郎贊跪叩興承祭官。分獻官。行三跪九叩禮。興典
儀贊奉祝帛。饌送燎。司祝。司帛。司香。司爵。各奉祝帛

香饌。以次恭送燎位。如儀。承祭官避立西旁。俟過。復位。贊禮郎引詣燎所視燎。贊禮畢。仍引由祠垣左門出。各退。

右崇聖祠祭儀

每歲遣官釋奠於

先師。承祭官分獻官暨陪祀官均致齋二日。豫期。眡牲。眡割牲。皆如前儀。先一日。太常寺官具祝版。送內閣恭書。

皇帝遣某官某致祭。餘辭同前。受而供諸廟內祝案。行禮

如儀。祭日。陳設牲帛器數如前儀。設福胙於殿內東案。尊爵之旁。加爵一。設洗於階下之東。禮部侍郎省齋。如儀。承祭官。大學士。拜位在階下。親王。郡王。讀祝。受

福胙。拜位在殿中門檻內。分獻官在甬道左右。陪祝官在廟庭左右。均北面。司香。司帛。司爵。大成殿正位。配位。以國子監丞。助教。學正。學錄等官充。兩序兩廡。暨崇聖祠殿廡。均以國子生充。序位如前儀。奉福胙。國子生二人。立於東案之東。西面。接福胙。國子生二人。立於西案之西。東面。鷄初鳴。承祭官分獻官。豫集

於持敬門內致齋所。太常寺贊禮郎十有四人。俟於持敬門內。均朝服。昧爽。贊禮郎二人。引承祭官。自左側門入。親王郡王入大成右門。又四人。分引兩序分獻官。又八人。分引兩廡分獻官。隨入。至階東。盥手。畢。詣拜位前立。鴻臚寺官引陪祀官。咸詣拜位序立。典儀贊樂舞生登歌。執事官各共廼職。文舞六佾進。贊禮郎贊就位。引承祭官。分獻官就位立。典儀贊迎。

神。司樂贊舉迎。

神樂奏昭平之章。

樂辭見前。後仿此。

樂作。贊禮郎贊就上香位。引

承祭官升東階。入殿左門。贊詣

先師香案前。贊跪。承祭官跪。俯伏。贊上香。司香跪奉香。承

祭官三上香。畢。俯伏。興。以次詣

四配位前。跪。上香。儀同。贊復位。引承祭官退及殿左門。

北面揖。出。降階。復位。初。迎

神時。贊禮郎分引東西序分獻官各一人。升東西階。入殿

左右門。詣

十二哲位前。跪。上香。退及門。北面揖。出。降階。復位。引兩

廡分獻官。東西各二人。分詣

先賢

先儒位前跪。上香。揖出。復位。均如前儀。贊禮郎贊跪。叩興。承祭官分獻官暨陪祀官行三跪九叩禮。興。樂止。典儀贊奠帛爵。行初獻禮。奏宣平之章。舞羽籥之舞。樂作。贊禮郎引承祭官升階。贊詣。

先師位前贊跪。承祭官跪。俯伏。司帛跪奉篚。承祭官受篚。拱舉。以授司爵。興。奠於案。司爵跪奉爵。承祭官受爵。拱舉。以授司爵。興。奠於塾中。退。承祭官俯伏。興。贊禮郎贊就讀祝位。引承祭官至殿中拜位立。贊跪承祭

官分獻官暨陪祀官皆跪。贊讀祝。司祝跪讀祝。如儀。承祭官分獻官暨陪祀官均行三叩禮。興。贊禮郎引承祭官以次詣。

四配位前跪。奠帛。獻爵。儀同。退及殿左門北面揖。出。降階。復位。贊禮郎分引兩序分獻官升東西階。入殿左。右門。詣。

十二哲位前跪。俯伏。奠帛。獻爵。俯伏。興。退及門北面揖。出。降階。復位。均如儀。引兩廡分獻官分詣。

先賢

先儒位前奠帛獻爵揖出復位儀同樂止亞獻奏秩平
之章。舞同初獻樂作贊禮郎引承祭官升階贊詣

先師暨四配位前奠爵於左如初兩序兩廡隨分獻畢均
復位樂止終獻奏敘平之章。舞同亞獻樂作引承祭官升
階奠爵於右如亞獻儀兩序兩廡隨分獻畢均復位
樂止文德之舞退典儀贊飲福受胙贊禮郎贊詣受
福胙位引承祭官至殿中拜位立奉福胙二人自東
案奉福胙至

先師位前拱舉退立於承祭官之右接福胙二人自西案
進立於左贊禮郎贊跪承祭官跪贊飲福酒右一人
跪遞福酒承祭官受爵拱舉以授於左接以興次受
胙如飲福之儀贊叩興承祭官三叩興贊復位引承
祭官退及殿左門北面揖出降階復位贊跪叩興承
祭官分獻官暨陪祀官均行三跪九叩禮興典儀贊
徹饌奏懿平之章樂作徹畢樂止贊送

神奏德平之章樂作贊禮郎贊跪叩興承祭官分獻官暨
陪祀官行三跪九叩禮興樂止典儀贊奉祝帛饌送
燎有司各奉祝帛香饌恭送燎所如儀承祭官避立

拜位西旁。俟過。復位。樂作。贊禮郎引承祭官詣燎所。視燎畢。仍引由左側門出。樂止。陪祀各官皆退。

崇聖祠正殿及兩廡陳設。承祭官分獻官行禮儀節同前。

右遣官釋奠儀

皇帝臨雍講學。

親釋奠於

先師之禮。既諏吉。先二日。

皇帝乃齋。王貝勒貝子公文三品武二品以上官翰林院

詹事府四品以下七品以上國子監官衍聖公及五經博士陪祀至京者咸致齋。

右致齋

眡牲

眡割牲與上丁釋奠禮同。

至日夜分。太常寺卿國子監祭酒率其屬入具大成殿及兩廡陳設。不供祝版。餘器數與上丁禮同。

右陳設

省盥與上丁釋奠禮同。

辨行禮位。

皇帝拜位在殿門內正中。北向。分獻官位階下甬道左右。陪祀王公位階上。東西各二班。百官位階下分獻官之南。翰林詹事官七品暨國子監官均陪祭。東西各七班。翰林詹事在東。國子官在西。衍聖公在東班之首。五經博士。孔氏族五人。顏曾等氏族各二人。與見官京師者。在東班官之末。均北面。餘執事官序位。與上丁禮同。

右辨位

鑾輿出宮

與上丁釋奠禮同。

駕將至。國子監祭酒司業率屬朝服。國學生吉服。序列於成賢街道左跪迎。

駕至廟門外。降輿。右贊引。左對引。太常寺卿二人恭導。

皇帝由中門入。就大次。少俟。太常寺卿奏請行禮。

皇帝出次。盥畢。入大成中門。陞階。入殿中門。就位。國子監

官由西側門入。暨陪祀王公百官均就拜位序立。如

上丁釋奠之儀。

典右就次盥洗就位

典儀贊迎盥洗燎亦

神司樂贊舉迎

神樂奏昭平之章辭見前協律郎舉麾工鼓祝樂作贊引奏

跪拜興

皇帝行二跪六拜禮王公百官均隨行禮協律郎偃麾工

戛敵樂止

凡樂以舉麾鼓祝作以偃麾戛敵止後同

典儀贊行釋奠禮司

樂贊舉奠獻樂奏宣平之章

辭見前

樂作有司揭尊罍

勺挹酒實爵司帛奉篚司爵奉爵以次恭就

皇帝之右司帛跪進篚

皇帝受篚拱舉授司帛接以興奉詣

先師位前跪獻於案退司爵跪進爵

皇帝受爵拱舉授司爵接以興奉詣

先師位前奠於正中退贊禮郎引正殿分獻官升東西階

入殿左右門詣

四配

十二哲位前奠帛獻爵如儀出降階復位引兩廡分獻

官詣

先賢

先儒位前。奠帛。獻爵。出。復位。均如儀。樂止。典儀贊送神。司樂贊舉送。

神樂。奏德平之章。

辭見前。

樂作。贊引奏跪拜興。

皇帝率羣臣行二跪六拜禮。興。典儀贊奉帛。送燎。司帛詣先師位前。跪。三叩。奉篚。興。由中道出。送燎。贊禮郎引分獻官。鴻臚寺官引陪祀王公百官。退立拜位兩旁。贊引奏禮成。暨對引官恭導。

皇帝出殿中門。降中階。至大成門外。入大次。更衣。樂止。

皇帝出次。陞輿。詣彝倫堂講書。

儀詳嘉禮。

畢。還宮。

右講學釋奠儀

月朔釋菜之禮。正獻。國子監祭酒。兩序。兩廡。以所屬監丞。博士。助教。學正。學錄。分獻。司香。司爵。引贊。通贊。以肄業諸生執事。其日夙興。國子監典簿啟殿門。及東西廡門。率廟戶潔掃內外。展神幄。拂拭神案。每案。陳菜。棗。栗。各一豆。鑪一。鐙二。設案一於殿內之東。陳香盤七。尊一。每位爵一。又設案於東西兩廡之南。各陳香盤三。尊一。每位爵一。凡尊。實酒。冪。勺。具。司香。司爵。立於案旁。設洗於階下之東。通贊二人。立於殿內。

東西楹。二人立於殿外東西階上。皆公服。質明。祭酒率屬朝服。諸生吉服。集於持敬門內。引贊引由大成東側門入。及廟庭。通贊贊就位。咸就位。北面立。祭酒司業爲一班。師儒以位序。諸生以齒序。咸列於後。通贊贊跪叩興。祭酒以下。行三跪九叩禮。興。贊行釋菜禮。引贊引祭酒詣階東。盥手。升東階。入殿左門。詣先師位前。司香奉香盤從。引贊贊跪。祭酒跪。俯伏。通贊贊上香。司香跪奉香。祭酒三上香。俯伏。興。退詣尊案前。眡注酒。司爵舉冪。酌酒實爵。引贊引祭酒復詣

先師位前。司爵執爵從。引贊贊跪。祭酒跪。俯伏。通贊贊獻爵。司爵跪奉爵。祭酒受爵。拱舉。以授司爵。興。獻於正中。退。祭酒俯伏。興。以次詣

四配位前。跪。上香。獻爵。儀同。贊復位。引祭酒退。及殿左門。北面揖。出。降階。復位。初迎

神時。引贊引兩序分獻官二人。盥手。升東西階。入殿左右門。詣

十二哲位前。跪。俯伏。上香。獻爵。俯伏。興。退。及門北面揖。出。降階。復位。均如儀。兩廡引贊引分獻官二人。盥手。

先賢。

先儒位前。跪。上香。獻爵。揖。出。復位。儀同。通贊贊跪。叩。與祭酒率屬。及諸生。均行三跪九叩禮。畢。各退。

崇聖祠。正獻。國子監司業。兩廡。以助教。學正。等官各一人分獻。執事以諸生。行禮儀節同。

歲屆賓興。

殿試臚傳後。諸進士。誦吉。詣國學釋褐。乃釋菜於

先師。第一甲一名。進士正獻二名。三名。進士。兩序分獻。二

甲一名。三甲一名。進士。兩廡分獻。執事以國子監肄業生。是日清晨。引贊引諸進士公服入廟。上香。行一獻禮。陳設。及行禮儀節。均與月朔釋菜禮同。

右釋菜儀

望日。上香之禮。國子監典簿。拂神案。然鐙。設香盤於殿內。及兩廡各案。肄業生司香各一人。立於案前。設

四洗於階東。質明。祭酒司業率屬朝服。諸生吉服。入大成左側門。階下就位。如釋菜之儀。通贊贊行上香禮。

引贊引司業盥手。升東階。入殿左門。詣香案。盥手。

先師位前引贊贊跪。司業跪。俯伏。通贊贊上香。司香跪奉香。司業三上香。俯伏。興。引詣

四配位前。以次跪上香。畢。贊復位。引司業退及殿左門。北面揖。出降階。復位。引贊引助教二人盥手。升階。分詣兩序。

十二哲位前。跪上香。退及門。北面揖。出降階。復位。均如儀。引學正二人盥手。分詣兩廡。

先賢。

先儒位前。跪上香。揖。出復位。儀同。通贊贊跪。叩。興。祭酒。

司業以下。行三跪九叩禮。畢。各退。

崇聖祠正殿。以助教一人上香。兩廡以典簿典籍各一人上香。儀同。

右上香儀

因事祇告之禮。遣官一人將事。暨執事官。均致齋一日。豫期太常寺設案一於

大成殿內正中。少西北向。翰林院具祝文。隨事撰擬太常寺卿

送內閣恭書。受而供諸殿內案上。行禮如儀。至日。

先師位前。陳鹿脯。鹿醢。兔醢。榛栗葡萄。桃實。蓮實。鑪。鐙。具。

設案一於東。陳禮神制帛一。香盤一。尊一。爵三。太常寺司祝一人。立於案西。東面。司香一人。司帛一人。司爵一人。立於案東。西面。設洗於階下之東。鷄初鳴。承祭官豫。俟於持敬門內齋所。贊引太常寺贊禮郎二人。俟於門內。均朝服。質明。引承祭官自大成東側門入。盥手就位。上香。讀祝。行三獻禮。升降進退。均與春。秋上丁遣官禮同。

右因事祇告

皇帝東巡。詣闕里。

親釋奠

先師孔子之禮。豫期。衍聖公率博士。潔掃

大成殿內外。分獻官。扈從王公。文官。郎中。武官。叅領以上。地方文官。知府。武官。副將以上。衍聖公。暨十三氏五經博士。咸與祭。先一日。

皇帝乃齋。與祭百官畢齋。

行在太常寺官。具祝版。送內閣中書舍人。敬繕祝文。翰

院隨時撰擬。於版。大學士一人。公服。恭書

御名。以授太常寺官。豫奉陳於廟內。如儀。

右具祝版

眠割牲

儀與祭
帝王陵寢同。

祭之前夕。工部司官張大次於奎文閣前。鑾儀衛官設洗於次外。夜分。太常寺卿率屬入廟。陳樂懸於殿階上。陳文德之舞六佾於樂懸之次。遂及守土官詣大成殿。

崇聖祠暨前後兩廡。供具陳設器數與太學釋奠禮同。辨行禮位。

皇帝拜位在

大成殿內正中。北向。武備院官司拜褥一人。立於拜位之

左。分獻官位杏壇下。陪祀王公位杏壇上。文官位廟

庭左。直東階下。武官位廟庭右。直西階下。地方官以

其班列於朝官之次。衍聖公位東朝官之首。五經博

士位東朝官之末。均北面。辨執事位。記注官四人。侍

儀禮部尚書一人。或侍郎一人。都察院左都御史一人。或副

都御史一人。樂部典樂一人。糾儀御史。禮部祠祭司官各

二人。引禮鴻臚寺官四人。太常寺典儀一人。司樂協

律郎。樂工。歌工。舞佾。殿內司祝。司香。司帛。司爵。太常

寺官兩廡執事生各以其職爲位。掌燎官率燎人立燎鑪前。均如太學之儀。承祭

崇聖祠官

王公

位階上

大學士以下皆位階下

兩廡博士分獻位階

下。執事生以職爲位。與太學禮同。

右供張陳設序位

將事之日。守土大吏率屬治道清蹕。鑾儀衛陳

騎駕鹵簿

詳軍禮於

行在宮門外。領侍衛內大臣及內大臣。勒所部翊衛官。護軍統領宗人府王公。勒所部後管官。均采服於

行宮門外。祇候。不陪祭。扈從官序列

行宮門前。候

駕出。跪送。屆時。太常寺卿赴

行宮奏請詣廟。

皇帝龍袍補服。乘輿出宮。前引後扈。如常儀。

右鑾輿出行宮

駕將至。衍聖公率十三氏五經博士。及不陪祭之守土官。序立廟門前道左。跪迎。鴻臚寺官引陪祭王公。序立於奎文閣前。內外各官。文由東金聲門入。武由西玉

振門入。序立於廟庭左右。均東西面。太常寺贊禮郎引分獻官。序立於玉振門外。執事官豫入殿庭就位。均采服。

駕至。由廟中門入。至同文門。奎文閣前降輿。右贊引。左對引。太常寺卿二人恭導。

皇帝入大次。少俟。太常寺卿奏請行禮。

皇帝出次。盥。鑾儀衛官跪奉盥。奉巾。如儀。司拜褥官。豫布拜褥於

大成殿門內正中。贊引對引。官恭導。

皇帝自奎文閣。步入大成中門。陞中階。詣殿中拜位前。北向立。內大臣侍衛止立階下。後扈大臣隨侍。王公於侍衛後隨入。由東西階升。詣杏壇上。分獻官入玉振門。詣杏壇下。衍聖公率五經博士。入金聲門。及百官就拜位。均北面。東西序立。東班西上。西班東上。典儀贊執事官各共迺職。贊引奏就位。

皇帝就位。迎神。上香。初獻。讀祝。亞獻。三獻。送神。徹燎。樂章。樂舞。及行禮儀節。與太學釋奠同。

崇聖祠遣官同時致祭。並如太學之禮。

右致祭儀

致祭禮成。贊引對引恭導。

皇帝出殿門。降中階。至奎文閣前。乘輿詣詩禮堂講書。儀詳

嘉禮是日。工部司官豫張大次於毓粹門內。光祿寺官

設案一於

孔林露臺正中。設奠池於案上。武備院官設拜褥於奠案之前。

皇帝講書畢。祇謁

孔林。衍聖公率十三氏五經博士。及不陪祭之守土官。於

毓粹門外道左。候

駕出。跪送。

皇帝由承聖門出。詣大次。更常服。少埃。步出毓粹門。乘輿前導後扈。如常儀。扈從王公以下。三品文武官以上。豫往享堂垣門外序立。衍聖公率孔氏子孫通仕籍者。及不陪祭之守土官。均常服。豫往觀樓門道左。候

駕至。跪迎。

駕至孔林大門外。內大臣侍衛咸下馬導從。過洙水橋。至皇帝享堂垣門前。降輿。禮部尚書侍郎恭導。

皇帝由中門入。陞中階。詣露臺拜位。後扈大臣隨侍。奉爵
內大臣一人。立於左。內務府官。司壺一人。奉壺。司爵
一人。奉爵。立內大臣之下。鴻臚寺官。引王公百官。隨
自左右門入。王公夾階下左右。文武大臣。侍衛於庭
中左右立。衍聖公及族人陪位。如在廟之序。
皇帝跪。王公以下皆跪。司壺舉壺酌酒。司爵以爵承酒。授
內大臣。內大臣自左奉爵跪。恭進
皇帝。興。少退立。

皇帝拱舉。酌酒奠池中。內大臣跪受虛爵。興。退。

皇帝行一拜禮。羣臣隨行禮。再酌。三酌。酌酒進酒。

皇帝率羣臣各行一拜禮。均如初。興。內大臣及執壺爵者
退。鴻臚寺官。豫引王公。大臣。侍衛於享堂垣門外之
東序立。衍聖公率其族。暨不陪祭守土官。仍於觀樓
門道左祇候。

駕出跪送。禮部尚書。侍郎。恭導。

皇帝降中階。出中門。乘輿。還。

行宮。不陪祭。扈從官跪迎。如來儀。

禮典 卷之二十一 禮部 禮儀 禮部 禮儀

大清通禮

卷之二十一

禮

大典遣官致祭之禮。豫期有司。詆遣官吉日。太常寺具禮。

神香祝。祝文翰林院隨事撰擬。制帛一。送禮部封題。授遣官齋。

往。詳載徧祭帝王陵寢儀。遣官至。

闕里。衍聖公飭官屬。潔廟宇內外。備執事人。司祝。司香。

司帛。司爵。以五經博士充。通贊。引贊。以奉祀生充。先。

一日遣官及執事官齋。守土官戒辦牲牢器物。其夕。

宰人割牲於廚。守土官公服。眡宰。瘞毛血。如儀。祭日。

味爽。守土官率祀生入廟陳設。

先師位前。牲帛簠簋籩豆尊爵。鑪。鐙。器數。與春秋丁祭同。

設案一於殿中。少西。供祝文。設洗於東階之下。引贊。

二人。俟於大門。質明。執事官豫入就位。均朝服。遣官。

朝服入廟。引贊引自東側門入。詣東階下。盥手。升階。

至階上正中。北面立。通贊贊就位。遣官就拜位立。迎。

神。上香。初獻。讀祝。亞獻。三獻。送神。徹燎。儀節與春秋。

丁祭同。祭畢。引遣官仍降東階。由東側門出。執事官。

各退。

皇帝時巡省方。過魯。遣官一人。詣東門外。迎。

闕里。祇告。闕里。祇告。闕里。祇告。闕里。祇告。闕里。祇告。

大清通禮 卷十一 禮部 禮制 禮節 禮儀 禮制 禮節 禮儀 禮制 禮節 禮儀

先師孔子。豫期太常寺官具祝文。

翰林院隨時撰擬。

香帛。授遣官

齋往。既至。守土官潔備脯醢果實。屆日。陳設行禮。與

太學因事祇告禮同。

右因事祭告

皇帝東巡。遣官釋奠

元聖周公之禮。先期。

行在太常寺。奏遣正獻官。分獻官。各一人。豫具祝文。

翰林

院隨時撰擬。

香帛。授遣官齋往。前期。姬氏子孫率祀生潔

掃廟宇內外。守土官戒辦牲牢器物。備執事人。司祝

司香。司帛。司爵。通贊。引贊。均以本族奉祀生。及弟子

員充。先一日遣官至境。乃齋。其夕。守土官公服。眡割

牲。如儀。越日昧爽。率祀生入廟。供具陳

周公位前。羊一。豕一。登一。鉶二。簠簋各二。籩豆各八。鑪一。

鐙二。

魯公配位前。陳設同。設案一於中。少西。供祝文。司祝一

人。立於其南。設案一於東。陳禮神制帛二。色白。香盤二。

尊二。爵六。冪。勺。具。司香。司帛。司爵。各二人。立於案後。

設洗於階下之東。通贊一人。立於門左。引贊四人。俟

於廟大門內。均服其服。質明。遣官朝服詣廟。引贊二人引正獻官入。二人引分獻官隨入。詣東階下。盥手。升東階。至階中。正獻官在前。分獻官在後。均北面。通贊贊就位。引贊分引遣官就拜位立。通贊贊迎神。司香二人各奉香盤。進至正位。配位前立。引贊引正獻官入。自闌東。詣

周公位前。引分獻官隨入。詣

魯公位前。贊跪。遣官跪。贊上香。遣官上炷香。三上瓣香。興。贊復位。遣官均復位立。贊跪叩興。遣官均行二跪

六叩禮。興。通贊贊行初獻禮。司帛各奉篚跪奠於案。三叩興。司爵各奉爵獻於案正中。皆退。通贊贊讀祝。引贊贊跪。遣官皆跪。司祝至祝案前跪。三叩。奉祝文。跪案左。讀訖。復於案。三叩興。退。引贊贊叩興。遣官均三叩興。亞獻。各奠爵於左。三獻。各奠爵於右。如初儀。通贊贊送

神。引贊贊跪叩興。遣官均行二跪六叩禮。興。執事官各奉祝帛。香。由中道送燎。如儀。遣官避立拜位東。俟過。引贊引遣官視燎。禮畢。引遣官出。執事官皆退。

右遣官釋奠周公

皇帝東巡致祭

復聖顏子

宗聖曾子

述聖子思子

亞聖孟子之禮各遣官一人齋祝文翰林院隨時撰擬香帛分

詣所在專廟行禮陳設與

京師太學四配每位器數同祭日有司供具遣官行禮

如祭

周公廟之儀

右遣官釋奠顏曾孔孟四氏

直省府州縣廟祀

先師孔子皆以歲春秋仲月上丁行釋奠禮省會正獻以

總督若巡撫一人主之兩序以布按二司叅政副使

各一人兩廡以知府同知各一人眠割牲省齋盛以

叅議僉事等官各一人糾儀以教授訓導各一人司

祝司香司帛司爵司饌引贊通贊引班以學弟子員

嫺禮儀者執事在城文武官縣丞千總以上咸與祭

班與外。致齋三日。祭前一日。有司飭廟戶。潔掃殿廡。朝會同。內外。既割牲。官公服。詣神厨。既割牲。如儀。正獻官率執事人。入學。習儀。教官率樂舞諸生。入學。習舞。習吹。祭之日。陳設。省盞。祀官偕執事人。入廟序位。行禮儀節。均與太學遣官釋奠同。

祝辭曰。維某年月日。某官某。致祭於

至聖先師孔子曰。惟

先師德隆千聖。道冠百王。揭日月以常行。自生民所未有。屬

文教昌明之會。正禮和樂節之時。辟雍鐘鼓。咸恪薦於馨香。泮水膠庠。益致嚴於籩豆。茲當仲春。祇率秋。奠章。肅展微忱。聿將祀典。以

復聖顏子。

宗聖曾子。

述聖子思子。

亞聖孟子。配尚

饗

右祝辭

迎神樂奏昭平之章。辭曰。大哉孔子。先覺先知。與天地參。萬世之師。祥徵麟紱。韻答金絲。日月既揭。乾坤清夷。

初獻樂奏宣平之章。辭曰。予懷明德。玉振金聲。生民未有。展也大成。俎豆千古。春秋上丁。清酒既載。其香始升。舞羽籥之舞。

亞獻樂奏秩平之章。辭曰。式禮莫愆。升堂再獻。響協鼗鏞。誠孚壘甌。肅肅雍雍。譽髦斯彥。禮陶樂淑。相觀而善。

三獻樂奏敘平之章。辭曰。自古在昔。先民有作。皮弁祭菜。於論思樂。惟天牖民。惟聖時若。彝倫攸敘。至今木鐸。舞均如初。

徹饌樂奏懿平之章。辭曰。先師有言。祭則受福。四海黷宮。疇敢不肅。禮成告徹。毋疏毋瀆。樂所自生。中原有菽。

送神樂奏德平之章。辭曰。鳧繹峩峩。洙泗洋洋。景行行止。流澤無疆。聿昭祀事。祀事孔明。化我烝民。育我膠庠。

右樂章樂舞

崇聖祠同時致祭。正獻以督學使者主之。若按試他郡。則以布政使一人攝。分獻以教諭。訓導執事以學弟子員。餘陳設行禮。並如太學。

崇聖祠祭儀

祝辭曰。惟某年月日某官某致祭於

肇聖王。

裕聖王。

詒聖王。

昌聖王。

啟聖王曰。惟

王奕葉鍾祥。光開聖緒。盛德之後。積久彌昌。凡聲教所覃。敷率循源而溯本。宜肅明禋之典。用申守土之忱。茲

屆仲春。聿修祀事。配以

先賢顏氏。

先賢曾氏。

先賢孔氏。

先賢孟孫氏。尙

饗。

右崇聖祠祝辭

監司分駐各府者主其地

文廟之祭。他府州縣以長官爲正獻。其貳及所屬兩序分獻。

崇聖祠皆教諭正獻。前後兩廡皆食餼學弟子員各一人分獻。陳設器數。行禮儀節。與省會同。

右直省府州縣釋奠儀

月朔釋菜。望日上香。教授教諭訓導等官分班行禮。

與太學同。

右朔望釋菜上香儀

直省府州縣附廟左右各建

忠孝。

節孝。

名宦。

鄉賢四祠。歲春秋釋奠禮畢。教諭一人公服詣祠致祭。是日清晨。廟戶啟祠門。拂拭神案。執事人入。陳羊一。豕一。籩四。豆四。鑪一。鐙二。陳祝文於案左。陳壺一。

爵二帛一。香盤一。於案右。引贊二人。引主祭官入。詣案前。北面立。禮生自右奉香盤。主祭官三上香。訖。引贊贊跪。叩興。主祭官跪。三叩興。禮生自右授帛。主祭官受帛。拱舉。仍授禮生。獻於案上。禮生挈壺酌酒。實爵。自右跪授爵。主祭官受爵。拱舉。仍授禮生。與獻於正中。讀祝者取祝文跪案左。引贊贊跪。主祭官跪。讀祝辭曰。維某年月日。某官某。致祭於

忠義孝弟之靈曰。惟

靈稟賦貞純。躬行篤實。忠誠奮發。貫金石而不渝。義

問宣昭。表鄉閭而共式。祇事懋彝。倫之大。性摯莪蒿。克恭念天顯之親。情殷棣萼。模楷咸推。夫懿德。

綸恩特闡其幽光。祠宇維隆。歲時式祀。用陳尊簋。來格几筵。尚

饗。讀畢。以祝文復於案。退。主祭官俯伏。興。執事者酌酒獻於左。又酌酒獻於右。退。引贊贊跪。叩興。主祭官跪。三叩興。執事者以祝帛送燎。引贊引主祭官出。執事者徹。皆退。各祠致祭儀同。

節孝祠祝曰。維某年月日。某官某。致祭於

節孝之靈曰惟

靈純心皎潔。令德柔嘉。矢志完貞。全閨中之亮節。竭誠致敬。彰閭內之芳型。茹冰蘖而彌堅。清操自勵。奉盤匱而匪懈。篤孝傳徽。

絲綸特沛乎殊恩。祠宇昭垂於令典。祇循歲祀。式薦尊醪。

尚

饗

各宦鄉賢二祠祝文各省州縣所在異辭不悉載

右忠孝節孝名宦鄉賢祠祭儀附



770
S.M. 7.5

28